

სიმონ ქვაბიანი.

სეპი ბეპი

გვ. ბ. ზდანოვიჩი,

ბიჭა აბაშიძე და ტყანელი.

* კუთაისი გუბერნიის ტიპოგრაფია
ს. ნიკოლაძის (A. ტერმინი)

КУТАИСЪ

Губернская Типография, Тифлис. ул., д. С. Бокерия.
1903.



სიმონ ქვარციანი.

ს ა მ ი გ მ ი რ ი.

34781

ბბ. გ. ზღანოვიჩი,

კიტა აბაშიძე და რეზანელი.



КУТАИСЬ

Губернская Типография, Тифлисская уд., д. С. Бокерия.

1902.

I

„Audiatur et altera pars“.

„ივერიის“ № 141-ში მოთავსებულმა ჩვენმა წერილმა, სათაურით „შავი-ქვის საზოგადოება“ — მერიად ააშფოთა ორი სახელოვანი გმირი ბბ. რგანელი და კიტა აბაშიძე. მესამე-კი, ე. ო. ბ-ნი ზღანოვიჩი, თუმცა ყველაზე მეტად გაცხარდა, მაგრამ არჩია თავისებური სიჩუმე და მოგვისია მხოლოდ თავისი დაქირავებული მხედრობა. ორმა ზემო თქმულმა რაინდმა არ დაზოგეს თავი თავიანთ ბელადისათვის, გადაშალეს ავლაბრულ ლანძღვა-გინების და ლაგვი ირონიის ლექსიკონი, გადაამახინჯეს ფაქტები, დაჰგმეს სიმაართლე და შეზარეს „ივერია“-ცნობის ფურცელის“ მკითხველთა სმენა თავიანთის სოფისტიკით, მედიდურობით, ქირდვით და კილის-წამებით (იხილე „ცნობის ფურცელი“ № 1883 და „ივერია“ №№ 163, 164 და 166).

ჩვენ არ გვსურს შევეცილოთ ამ უზადო რაინდთ თავიანთ „სანაქებო“ იარაღში და მით დავამციროთ პრესსა და მკითხველი საზოგადოება. ამას კი ვიტყვით, რომ ამგვარის მოქმედებით ყოველი მწერალი უწინარეს ყოვლისა ამცირებს თავის თავს, რეჟნას ჰრესსას, მკითხველს და იჩენს თავის

ნიჭის, გონების და ზნეობის სრულს სიბეჭავეს და უბადრუკობას. კვლავ ვიტყვით, რომ ლანძღვა-გინება, სოფისტიკა და ცილის წამება ამ სახელოვან რაინდთა სტიქიონია. შოთა ამბობს: „კოკასა შინა რაცა სდგას, იგივე წარმოსდინდების“.

ახლა ვიკითხოთ, ვინ ბრძანდებიან ეს რაინდები, ეს დიდი მსახიობნი?—„მერე რა არის ჰეკუბა მათთვის, ან თითონ ესენი ჰეკუბასათვის, რომ ეგრე მწარე ცრემლსა ღვრიან?!“

ოო, ბევრი რამ, ფრიად ახლო პირნი, ფრიად დავალებულნი... თურმე ნუ ბრძანებთ, ერთოცა და მეორეც ას-ას მანეთს იღებენ თვეში ამ შავი-ქვის საზოგადოების საქმეებიდგან ბ. გ. ზდანოვიჩის და მისი ვეზირების წყალობით და ამიტომ იგინებიან ასე გაცხარებით და იქნევენ მაყაოს ხმაღს. ას მანეთიანებს თურმე დიდი გავლენა აქვს ამ ნივთიერს საუკუნეში! ჯერ კიდევ შოთამ ბრძანა: „დახე თუ ოქრო რასა იქმს, კვერთხი ეშმაკის ძირისა“-ო. ამის შემდეგ განა ვიკვიროთ ბბ. რგანელის და აბაშიძის მოქმედებანი?! აი თურმე, რა „უანგარო“ პუბლიცისტებთან გვაქვს საქმე, მკითხველო!..

ჩვენ-კი ვეცადოთ **ფაქტებით** და **მხედოდ ფაქტებით** გავსცეთ მათ პასუხი და დაეფუშოთ მათი სოფისტიკის სუსტი ქსელი და საპნის ბუშტები.

გავუშინჯოთ კიჭი ბბ. რგანელის და აბაშიძის წერილებს, ერთად განვიხილოთ ისინი დროს მოსაგებათ და დავსტკბეთ მათი შვენიერი საბუთე-

ბით. დავიწყოთ შავი-ქვის საზოგადოების წესდების შეცვლიდგან და საორგანიზაციო კომისიის, მოსპობიდგან. ჩემს პირველს წერილში ვამბობდი, რომ პირველიც და მეორეც უკანონოდ მოახდინეს თქო; როგორც წესდების შეცვლა, ისე კომისიის მოსპობა შეეძლო მხოლოდ საზოგადოების წევრთა საზოგადო კრებასა-თქო. ამაზე რგანელი მპასუხობს, რომ კომისია გააუქმა ამხანაგობის წევრთა რწმუნებულმა კრებამო და ნაცვლათ აირჩია ხუთი კაციო. ამასვე ბრძანებს აბაშიძე და საბუთად მოჰყავს წესდების მეათე, მეთორმეტე და მეოცდა-ერთე მუხლები. ამ წუთას ხელში გვაქვს ეს წესდება, გადვიკითხეთ რამდენჯერმე, როგორც ზემო თქმული მუხლები, ისე მთელი წესდება, მაგრამ შიგვერსად ვიპოვეთ, რომ ან ჯგუფების ვექილებს (წარმომადგენელთ), ან გამგეობის დროებით წარმომადგენელს ბ. ზდნოვიჩს. შესძლებოდეს ან წესდების მუხლების შეცვლა და ან საორგანიზაციო კომისიის გაუქმება. ამიტომ ფრიად დაგვაძალებს ბ-ნი აბაშიძე თუ კეთილ-ინებებს და მოიყვანს იმ მუხლს სიტყვა-სიტყვით. პირ-იქით წესდების მე-25 მუხლი გვამხელს შემდეგს:

„წლიურ საზოგადო კრების უწყებას შეადგენენ შემდეგი საგნები: ა) განხილვა და დამტკიცება, როგორც წლიური ანგარიშისა, ეგრეთვე მომავალ შემოსავალ-გასავალის ხარჯთ-აღრიცხვისა, ბ) გამგეობის თავმჯდომარის, წევრთა და მათ კანდიდატ-

თა არჩევა, ეგრეთვე მათი განშორება ვადამდე; გ) გამგეობის წევრთა და თავმჯდომარის ჯილდოს განსაზღვრა; დ) სარევიზიო კომისიის წევრთა და მათ კანდიდატთა არჩევა. ე) განდევნა და უკანვე მიღება საზოგადოების და ამხანაგობათა წევრების; ვ) **ამა წესდებს შეგვლა და დამატება**; ზ) დამტკიცება ინსტრუქციებისა, რითაც უნდა განისაზღვროს როგორც გამგეობის, ისე სხვა ორგანოთა და მოსამსახურე პირთა მოქმედება; ც) საზოგადოების მოქმედების შეწყვეტა და მის საქმეთა ლიკვიდაცია და თ) ყველა იმ საქმეთა განხილვა, რომელნიც არ ექვემდებარებიან რჩევის და გამგეობის გადაწყვეტას“ *).

რა ჩანს ამ მუხლიდან? აქ ჩვენ ნათლად ვგებულობთ, რომ არავის არ შეეძლო არც წესდების მუხლების შეცვლა და დამატება, არც ჯილდოს განაწილება, არც გამგეობის წევრთა და თავმჯდომარის არჩევა (და მით უმეტეს მისი დროებითი წარმომადგენლისა), არც ხარჯთ აღრიცხვა და ინსტრუქციების შედგენა თვინიერ **საზოგადოებებსა**, რომელიც არის უმაღლესი ორგანო. ამის შემდეგ განა აქვს რაიმე საფუძველი და სიმართლე ბ. აბაშიძის სიტყვას, როცა გაიძახის, რომ საბჭოს (ე. ი. ვექილების) საქმე იყო ფულის (7000 მ.) დარიგება ჯილდოთათა?! ერთი გვაჩვენოს თუ ჯილდოს განაწილება უწერიათ ან წესდებაში და ან ვექილობაში!

*) კურსივი ჩვენია.

აი, სწორეთ ეს უმთავრესი მუხლი დაივიწყეს ბ.
 ზღანაფიჩმა და მისმა ამაღამ, მით უარ ჭეკეს საზოგადო
 კრების მნიშვნელობა და გაჰქელეს მრეწველთა
 სურვილი და მსჯელობა. კიტა აბაშიძე და კ-ნია მეტ-
 ყვიან, რომ საზოგადო კრება წლის ბოლოს უნ-
 და მოხდესო, ჯერ წელიწადი არ გასულაო და
 სხ. ეს იქნება საშინელი სოფისტიკა და პარა-
 დოქსი. ყველგან და ყოველთვის ასე მომხდარა,
 რომ წესდება შეუდგენიათ ერთს ან რამდენიმე
 რწმუნებულს კაცს, წარუდგენიათ იგი საზოგადო
 კრებისათვის, რომელსაც შეუცვლია და შეუვისია
 იგი, ან ისე მიუღია, და ამ რიგად დაუმტკიცებიათ
 ან ნოტარიუსში, ან გაუგზავნიათ იგი სამინისტრო-
 ში. იგივე საზოგადო კრება პირველადვე ამტკიცებს
 ხარჯთ აღრიცხვას, ინსტრუქციებს, ცვლის ან ირ-
 ჩევს კამისიებს, ნიშნავს ჯამაგირებს, ანაწილებს
 ჯილდოს, ირჩევს მუღმივს ან დროებითს გამგეო-
 ბას და სხვ. და სხ.; ერთი სიტყვით, საქმეს აყენებს
 კალაპოტში. ეს არის ყველგან საზოგადო კრების
 დანიშნულება. აქაც, შავი-ქვის საქმეებშიაც ასე
 უნდა მომხდარიყო; საზოგადო კრება უნდა მოეხდინა
 უსათუოდ თებერვალში! მაშინ იწყებოდა ახალ საზო-
 გადოების (სინდაკატის) ფუნქცია (მოქმედება), მაშინ
 წყდებოდა მათი ბედ-იღბალი, მაშინ უნდა გასცნობო-
 დენ წევრნი ყოველივე საქმეს, მაშინ აღგებოდენ ახალ
 გზას, მაშინ უნდა გამოეთქვათ თავიანთი კოლექტი-
 ური აზრი, მაგრამ ამ სამართლიან საშუალებას და მოქ-

მედებას არ მიმართეს „დიდმა მოღვაწემ“ ბ. ზდანოვიჩმა და მისმა ამაღამ. მათ ძლიერ კარგად იცოდნენ, რომ საზოგადო კრება მოთხოვდა ბ. ზდანოვიჩს ანგარიშს, თუ რა აკეთა ბერლინში და მასთან აირჩევდა საქმის სათავეში მისთანა პირთ, რომელნიც ბ. ზდანოვიჩს და კ—ნიას არ სურდათ, არამედ თითონ სწადლათ ყოფილიყვნენ საქმის ბატონად და აჰა უკანონო საშუალებით ხალხის სურვილის და წესდების გაქელვით მიადწიეს მიზანს.— შარშან 20 ივნისს ჭიათურაში მომხდარმა საზოგადო კრებამ აარჩია საორგანიზაციო კომისია და დაავალა შემდეგი:— „კონტრაქტის შეცვლა (თუ-კი საქმე მოითხოვდა) და ამ რიგად მისი შეკვრა ბერლინის სინდიკატთან. ინსტრუქციის შედგენა, საამხანაგო წესდების შედგენა, ჯგუფების დაარსება და საერთოდ საქმის სრული ორგანიზაცია“ (იხ. ოქმი XV').

კიტა აბაშიძე გაკვირვებით გაიძახის: ვინ აირჩია ეგ საორგანიზაციო კომისიაო. ეგ საორგანიზაციო კომისია, როგორც მე-15-ე ოქმი გვამხელს, აურჩევია მრეწველთა საზოგადო კრებას. 21—24 სექტემბრის კომისიის სხდომებზედ-კი ცენტრალურ გრუპის, ე. ი. საზოგადოების წესდების პროექტის შედგენა მიანდევს პ. ა. თუმანოვს და ს. ქვარიანს (იხ. ოქმი XXXV'). ამ დროს ბ. თუმანოვი ავად გახდა და **პროექტი** შეადგინა მარტო ს. ქვარიანმა, რომელმაც წარუდგინა იგი სხდომას 1—3 ოქტომბერს, აი რას ვკითხულობთ XXXVI ოქმში:— „კომისიამ

განიხილა ქვარიანის მიერ შემდგარი მრეწველთა ცენტრალური ჯგუფის ანუ კავშირის წესდება, (იგულისხმეთ შავი-ქვის საზოგადოების წესდება, ვინაიდან ამას პირველად ერქვა ცენტრალური ჯგუფის ანუ კავშირის სახელი) და მიიღო იგი რამდენიმე მუხლის შეცვლით. კომისიამ დაადგინა: გადაეცეს ეს წესდება ბ. ხელთუფლიშვილს განსახილველად იურიდიულის მხრივ. ამის შემდეგ ყოველ მკითხველს მოგვრის ღიმილს რგანელის და კიტაბაშიძის რიხით წარმოთქმული სიტყვები, რომელნიც დალადებენ: „ქვარიანს არ წაუკითხავს ეს წესდება, ქვარიანს უთუოდ არ წაუკითხავს, ქვარიანს ან არ წაუკითხავს, ან განგებ ცრუობს.“ და სხვ. დასხვა. თურმე ნუ ბრძანებთ, ქვარიანს არამც თუ წაუკითხავს ეს წესდება, არამედ მიუხედავად მისთვის შესადგენად და შეუდგენია კიდევ. სწორეთ ეს შედგენილი წესდების პროექტი სუფთად გადაწერილი საორგანიზაციო კომისიამ წარუდგინა განსახილვად საზოგადო კრებას ქიათურაში შარშან 14—17 ოკტომბერს. კრებამ მიიღო პროექტი და მოისურვა მხოლოდ შეეცვალათ ერთი რამ იმ მუხლში, სადაც მოგების განაწილებაზედაა ბაასი, ე. ი. 5% ნაცვლად გამგეობის სასარგებლოდ დაეწერათ 2 თუ 3% წმინდა მოგებიდან და ვგონებ კიდევ ერთი მუხლის შეცვლა რედაქციის მხრივ.

მოგეხსენებათ, რომ ქვეყანაზედ არა რაა სრული, არ არსებობს იდეალური წესდებაც. ამ რიგად

საზოგადო კრების მიღებულ პროექტიც საორგანიზაციო კომისიამ და ჯგუფების ვეკილებმა დაუწყეს ხელ-ახლად სინჯვა და კრიტიკა. ექვი არაა, პროექტს დასჭირდა შეცვლა და შევსება, როგორც საერთოდ ყველა პროექტის ხვედრია. ამ გადაშინჯვაში მონაწილეობას იღებდა როგორც ბ. ზდანოვიჩი, ისე ამ სტრიქონების დამწერიც. ამასობაში ბ. ზდანოვიჩი წაბრძანდა ბერლინში და იქიდან პიტერში; დაბრუნდა კი იანვრის 8 თუ 10-ს. პროექტი უკვე იყო დამუშავებული და ვგონებ სუფთად გადაწერილი, ხოლო ველოდით ბ. ზდანოვიჩს, როგორც კომისიის თავმჯდომარეს, რომ მოგვეხდინა მრეწველთა საზოგადო კრება და ეს შეცვლილი პროექტი ხელ-ახლად წაგვეკითხა მათთვის და მიგველო მათი სანქცია.

ამ დროს მოხდა უცნაური რამ. დაირღვა ის თანხმობა და წესიერება, რომელიც არსებობდა, როგორც კომისიის წევრთა, ეგრეთვე კომისიის და ვეკილთა შორის. მრეწველთა ვეკილობის ძალით ბ-ნ ზდანოვიჩმა შეუკრა პირობა ბერლინში მანგან-სინდიკატს (და არა არონ ჰირშს), რომელმაც გამოგზავნა სესხად ბ-ნ ზდანოვიჩის სახელზედ, როგორც ვეკილისა, 200,000 მანეთი; ფულის სუნი ეცა ჭიათურას; წლი-ნახევრის საოცარ კრიზისით შევიწროვებული მრეწველნი სისწრაფით გამოქანდნენ ქუთაისში. — ფული, ფული, ჩქარა, მალე, ვიღუპებით, მოგვეცით ჩქარა ჩვენი ორიოდე გროზა

ში და გაგვიშვით ჩვენს საქმეზედ!.. აი, რას გაი-
 ძახოდნენ შევიწროვებული პრეწველნი და მათი
 ვეჭილები! ფულის სიახლოვემ საშინლად აღუძრათ
 მადა, ვილას ახსოვდა იმ დროს ან წესდება, ან სა-
 ზოგადო კრება, ან გამგეობა!.. ყველას სტანჯავდა
 ფულის შიმშილი და გვრიდა სურვილის ნერწყვს
 ყვითელი ლითონის ბზინვარება. მიუხედავად ამი-
 სა, რამდენიმე შეგნებული პირი თხოულობდა სა-
 ზოგადო კრებას და საქმის გაცნობას. არ ჩქარობ-
 და მხოლოდ ლალი, მაძლარი და გამოცდილი ზღა-
 ნოვიჩი; ის იყო კლდესავით მტკიცედ, აქ გა-
 მოჩნდა სრულის სახით მისი თვითნებობა. მას სურ-
 და ყველა მოედრიკა, ყველა დაემონა და დაემორ-
 ჩილა თავის განზრახვისათვის, მას ჰქონდა ფული,
 მის ხელში იყო 200,000 მანეთის ჩეკა და ეს იყო
 უუდიდესი ძალა თაღისმა რომელიც მუსტავდა ყა-
 ველავე დაბტკალებას. იმავე დროს ხელს უწყობ-
 დნენ თავის ერდგული დამქაშებიც. ბ.-ნმა ზღანოვიჩ-
 მა ინება საზოგადოების წესდების პროექტის ხელახ-
 ლა გადაშინჯვა, შეცვალა თითონ და ჩაუმატა სულ
 ახალი მუხლები და დამატებანი, მაგ. § 3 და მისი
 დამატება, § 4, 11, 12 და მისი შენიშვნა,
 21-ის შენიშვნა, 35, 36, 37, 40, 43, 44 (ამათ-
 ში ზოგიერთი მუხლი შესცვალეს ნოემბერ-დეკემ-
 ბერში საორგანიზაციო კომისიამ და ვეჭილებმა);
 ამ რიგად წესდება შეიცვალა თითქმის ძირითურ და
 დაეტყო ულოლიკობა. თვით ის §§ 12 ზ 21 შენიშვ-

ნები და დამატებანი, რომელიც ისე რიხით მოჰყავს ბ-ნ აბაშიძეს, კეთილ-ინება და თავის ლამაზი ხელით ჩაწერა თითონ ბ-ნ ზდანოვიჩმა. ეს ჩამატებანია, რომ ძირითურ ცვლიან წესდების აზრსა და სისტემას, შეაქვთ შიგ ულოლიკობა და ბუნდოვანობა. სწორედ აქ წერია, რომ გამგეობის არჩევამდე დროებით გამგეობის უფლებანი და ვალდებულებანი ევალება გ. ფ. ზდანოვიჩსო, რომელსაც, როცა მოისურვებს, შეუძლია გავიდეს ამ საქმიდგანო, (მელიამ დაიტოვა ხვრელი). აი ეს სიტყვები თავის ნებით და თავის ხელით ჩასწერა „მორცხვმა“ ბ-ნმა ზდანოვიჩმა, რომელზედაც ბ-ნი კიტა აბაშიძე ბრძანებს: თითონ-კი არ უნდოდაო, მაგრამ ვეჭილებმა და მრეწველებმა არ მოასვენეს, თხოვეს, შეევედრენ და დასტოვესო. თუ აგრე იყო, ან თითონ რაღად სწერდა თავის ნებით ამ მუხლებს, ან -რად ეშინოდა საზოგადო კრების მოხდენისა?!. ფიცი მწამს და ბოლო მაკვირვებსო, სწორედ ეს არის! ბ-ნმა ზდანოვიჩმა არაფერი გზით არ მოახდინა საზოგადო კრება და არ გააცნო მას როგორც შეცვლილი წესდება, აგრეთვე თავის ნამოქმედარი ბერლინში, თუმცა ყველა წევრი ქუთაისში იყო იმდროს ბ. ზდანოვიჩმა მოისურვა, რომ ყველა წევრთა მადნები გადაცემულიყო საზოგადოების სახელზედ, მანვე მოისურვა 7.000 მან. ჯილდოთ დარიგება (ეს იყო კომისიის ზოგიერთი წევრების და ჯგუფთა ზოგიერთ ვეჭილების სურვილიც), მოისურვა კო-

მისის გაუქმება და ახალი კომიტეტის ანუ კომისიის დაარსება. მან გააჩერა ერთ თვეს ქუთაისში 200-დე კაცი და ჩაფლა ვალებში, მასვე სურდა, რომ თავის ამალით ყოფილიყო საქმის სათავეში და ყოველივე ამას მიაღწია მან ფულის მიუცემლობით, ერთი თვის განმავლობაში ხალხის დაქანცვით და დაპირებით. ეჭვი არაა ამ საქმეში ხელს უწყობდნენ მას ერთგული ვეზირები და აგენტები. მანვე ძალად დააცვლევინა ვეჭილობანი, რომ ვეჭილთ შეძლებოდათ პირობების დამტკიცება *) და ჩაიდინა ბევრი რამ იმ გვარი საქციელი, რომელმაც ააშფოთა ზოგიერთი შეგნებული პირნი. ამის მიზეზით იყო, რომ გაშორდა საქმეს ერთი სერიოზული ჯგუფი „იმედი“. ბ. ზდანოვიჩმა შევნივრად ისარგებლა ხალხის გაჭივრებით, ვეჭილთა მეტ ნაწილის სისუსტით და გამოუცდებლობით, მან შექმნა ოლიგარხია, შექმნა უზურპაცია და ჩაიდინა მისთანა საქმე, რომელიც სხვა ალაგს და სხვა უფრო შეგნებულ საზოგადოებაში ფრიად ააშფოთებდა ყველას; ჩვენში-კი ამგვარი კაცი სათაყვანო კერპია, ქება-დიდების და ვაშას ღირსი.

II.

ბ-ნი აბაშიძე ბრძანებს: საორგანიზაციო კომისიის გაუქმებაზედ რატომ ქვარიანმა პროტესტი არ შეიტანაო, ახალ კომისიაში ბ-ნი ქვარიანი არა-

*) ეს ვეჭილობა არ წაუკითხავთ მრეწველთ, ისე ფა-ცა-ფუცით მოაწერინეს ხელი. ავტ.

ვინ დაასახელა არც წევრად და არც მდივნათო, თვით ქვარიანს უწერია იმ ოქმზე ხელიო და სხ.

დავარწმუნებთ ბ-ნ აბაშიძეს, რომ საორგანიზაციო კომისიის გაუქმებაზედ სიტყვიერათ დიდი პროტესტი განვაცხადე; ეს იცის თითქმის ყველა ვეჭილებმა, კომისიის წევრებმა და თვით ბ-ნ ზდანოვიჩმა, (იმედია არ იუარებს); ამის შესახებ არ ყოფილა ოფიციალური სხდომა და ამიტომ არც ოქმი დაწერილა და თუ ოქმში არაა, ჩემი აზრიც, ე. ი. პროტესტიც არ იქნება შეტანილი, ეს აშკარაა! კომისიის გაუქმება მოხდა ისე ზეზე, ხელ და-ხელ. ეს იყო ბ-ნ ზდანოვიჩის პოლიტიკა. ხოლო გვარწმუნებდენ ბ-ნ ზდანოვიჩი და მისი ქურუმნი, რომ ამ დღეებში გაიყიდება ქვა, და მაშინ საზოგადო კრებას მოვახდენთ, წესდებას გავაცნობთ და ყოველივე საქმესო; ახლა-კი ყოველივე ეს დროებითააო, რადგან ფულს თხოულობენ და დოკუმენტ გადმოუცემლად და წესდებაზე ხელ-მოუწერლად არ გვინდა მივცეთო; საზოგადო კრება-კი დიდხანს გასტანს და საქმეს გააჭიანურებსო და სხვა ამგვარი ლათაიებო. სამწუხაროდ ჩვენც დაუჯერეთ ამას, მით უმეტეს, რომ იმ დროს დეპეშების გაცხარებული ფრენა იყო ბერლინსა და ქუთაისში ქვის გაყიდვის შესახებ და გვეგონა მალე გაიყიდებოდა ქვა, ამიტომ გავჩუმდით დროებით და არ გავამწვავეთ საქმე. ხოლო რაც შეიძლება წყნარი კილოთი გამოვსთქვით ჩვენი შეხედულობა იმ ხანებში, ე. ი. ამ წლის 1 მარტს


„ცნ. ფურცელში“ № 1739; წერილის სათაურია „შავი-ქვის საზოგადოება“. აი რას ვწერთ იქ სხვათა შორის: „მას (ე. ი. კომისიას), ვგონებ არ ქონდა უფლება გაეუქმებია თავისი თავი და გადაეცა საქმეები საზოგადოების საბჭოსათვის. მრეწველთა საზოგადო კრებამ აარჩია ეს კომისია და მიანდო საქმის ორგანიზაცია. ამიტომ მას უნდა მოეხდინა ისევ საზოგადო კრება ქიათურაში, ემხილა მისთვის თავის ათი თვის მოქმედების ავ-კარგი და ჩაებარა თავის საქმეები. შემდეგ საზოგადო კრების ნება იყო, თუ ვის აირჩევდა და ვის ჩააბარებდა ამ საქმეებს“. აქვე ვწერ და ვსაყვედურობ შავი-ქვის საზოგადოების წესდების შეცვლის გამო, იქვე ვამბობ, რომ ზოგიერთი მუხლები შეიცვალა კომისიის წევრთა და ვექილთა უმრავლესობის სურვილის წინააღმდეგათქო (აქ ვგულისხმობ ბ-ნ ზდანოვიჩს და კ-ნიას). — „ჩვენის აზრით, — ვამბობდით იქვე, — უფრო სამართლიანი იქნებოდა, რომ ეს შავი-ქვის საზოგადოების შეცვლილი პირობა (წესდება) დამტკიცებამდე გაეცნო საზოგადოებას. ეჭვი არაა, მაშინ არ შეეპარებოდათ ის უხერხული შეცდომანი, რომელიც შეიტანეს, მაგ., მეთორმეტე მუხლში“ და სხ. მესამე შეცდომა კომისიისა, ჩვენის აზრით გახლავს ის, რომ მან არ მოახდინა საზოგადო კრება და მით არ მისცა საშუალება აერჩია მოქმედი ორგანო, ე. ი. გამგეობა თავის კანტორით ღ შტატით“. აქვე შევნიშნეთ კომისიას საქმის გაქიანურება, ჯილ-

დოს განაწილება და სხ. აი ამას ვწერდით კიდ პირველ მარტს და მით ვაცხადებდით საქვეყნო და თამამად ჩვენს პროტესტს. მაგრამ რგანელისთნა და კიტასთანა კაცებს მაინც ვერას დააჯერეს ესენი მაინც თავისას გაიძახიან. აი ამისთანა კაცებზედ ბრძანა შოთამ: „ასი მართებს გაგონება, არ ეყოფის არ ერთხელი“.

რაც შეეხება კომიტეტის ანუ ახალი კომისიის არჩევას, ეს მოქმედება იყო ლოლიკური და წესდებასთან შეფარდებული, ვინაიდან § 21-ის შენიშვნა აშკარად მოწმობს ამგვარ კომიტეტის არჩევას, ეგევე მუხლი მოწმობს, რომ კომიტეტში აირჩევიან ან ვექილები, ან საზოგადოების წევრები (და არა გარეშე პირი.) მე-კი შაფი-ქვის საზოგადოებისთვის იმ დროს გარეშე პირი შევიქენი, რადგან მის შეცვლილ წესდებას არ მოაწერა ხელი ჩვენი ჯგუფის „იმედის“ ვექილმა ბ-ნ კვინიხიძემ. აქედან აშკარაა, თუ რათ არ დამასახელეს და რათ არ გაველ წევრად ამ ახალს კომიტეტში! რომ წესდებამ წაეკითხა ბ-ნ კ. აბაშიძეს, ისე საოცრად არ გაუკვირდებოდა არც ჩემი არ ყოფნა ახალს კომიტეტში და არც იმ ოქმზე ჩემ მიერ ხელის მოწერა. მკვიყავ წინააღმდეგი იმისი-კი არა, რაც ლოლიკურ სიმართლესედლა დამყარებული, არამედ მთელი მოქმედების და წესდების ძირითურ შეცვლისა.

ბ. აბაშიძე ბრძანებს, რომ ჯილდოს 7000 მანეთის განაწილების წინააღმდეგი სიმონ ქვარიაძე

იყო და ამ ფულიდან ლომის კერძი, ე. ი. 100 მანეთი თვით ქვარიანს ერგო. თავიდან ბოლომდე შემცდარი აზრია, რომ მეტი არა ვსთქვათ. ფულიდან სიმონ ქვარიანს ერგო მხოლოდ 600 მანეთი, ბ-ნ ზდანოვიჩს-კი ერგო ამ ფულიდან 1000 მანეთი; გარდა ამ ფულისა ბ-ნ ზდანოვიჩს მისცეს ლემბრის დამდგეს სხვა ფულიდგან კიდევ 1000 მან. ზის ფულად ვარშავიდგან ბერლინამდე, სადაც მხანაგობის საქმეებზედ დარჩა მხოლოდ ორ კვირას და სოიუზის საქმეზედ კიდევ ორ კვირას, და ამ ათას მანეთს კიდევ წუნობდა ეს ჩვენი „თავდადებული მოღვაწე“, ცოტა მომცესო. იმავე დროს ბ. ზდანოვიჩმა წაიღო სიეზდის საქმეები და უნდა ემაცადინა პეტერბურგში ტარიფის დაკლების შესახებ. ამისთვის ის იღებდა კიდევ იმ ათას მანეთს გარდა დღეში 25 მანეთს, რამდენ ხანსაც დარჩებოდა რუსეთში. სოიუზის საქმეებმა ისე შეაჩერეს ბერლინში იგი, რომ პეტერბურგში ვეღარ მოუსწრო 4 დეკემბერს სატარიფო კომიტეტის სხდომას და მით დაკარგა შვენიერი შემთხვევა. ჩაბრძანდა იმ დროს, როცა ყოველივე გათავებული იყო და მიიღო ცივი უარი ტარიფის დაკლებაზე. ამ რიგად ბ-ნ ზდანოვიჩს ამ ჩვენს საქმეში ერგო 2000 მან., ს. ქვარიანს კი, რომელსაც ამ საქმეებზე უფრო მძიმე უღელი, ერგო მხოლოდ 600 მან. ხლა თქვენ გასაჯეთ, შეკითხველო, თუ როგორ მომეღოს ზეგნითა ლომის კერძი! ბ. კიტინი



და იქ იხილავს ყველაფერს, ან კითხოს, თუნდ თითონ ბ. ზდანოვიჩს, თუ ეგრე არაა. მეორე: 7000 მანეთის განაწილების შესახებ სხდომა არ ყოფილა, ეს განაწილება, როგორც ვიცით, არც ერთს ოქმშია გატარებული, ამიტომ არც ჩემი მწერლობითი პროტესტი იქნებოდა. ჩემი პროტესტი გაკვრით ვსთქვი „ცნ. ფურცელში“ № 1739, სიტყვიერად კი მე ვიყავ ამ განაწილების წინაღმდეგი, ამის მოწამე არიან ვეჭილები და კომისიის წევრები. მე ვამბობდი, რომ ეს განაწილება უკანონოა, რომ ეს მრეწველთა ნასესხი ფულია, რომ ჩვენ არა გვაქვს ამის დარიგების უფლება, რომ ჩვენი ნამოქმედარის განსჯა და დაჯილდოება მივანდოთ საზოგადო კრებას, მით უმეტეს, რომ ამას მოწმობს წესდების § 25, მაგრამ ვინ დაიჯერა! უმეტესობა ფულის განაწილებას თხოულობდა და მოხდა კიდევ. მაშინ ვთქვი, რომ ეს 600 მანეთი მიმაქვს არა ჯილდოთ, არამედ სესხად; (რადგან მთელი წელიწადი ამ შავი-ქვის საქმეებს მოუნდი, სხვა საქმე არ მიკეთებია და ამიტომ დამედვა ვალები) და ყოველივეს მოვახსენებ საზოგადო კრებას-თქო. მრეწველებზედ-კი მეტად ცუდად იმოქმედა იმ 7000 მ. ჯილდოდ განაწილებამ კომისია-ვეჭილთა შორის და დღესაც ვერ შერიგებიან ამ აზრს. ეკითხოს მთელს ქიათურას, თუ ასე არაა.

სწორედ სამწუხაროა, რომ ჩვენი დაბზაასკლია ოპონენტი ან სრულებით არ გასცნობია საქმეს და ბუღლვარის ქორები შეუკრებია, ან განგებ დაუმახი-

ნჯებია ფაქტები! ნუ თუ არ შერცხვება ამის შემდეგ! სირცხვილი დიდი კომბალიაო, ამბობს ქართული ანდაზა, მაგრამ ყველა კი გრძნობს ამ კომბლის ძალას?!

ბ-ნი კიტა აბაშიძე მდებს ერთს საშინელ ბრალს მამბრალებს საზოგადოების ფულის 700 მანეთის შექმას. აი რას ბრძანებს იგი თავის წერილში: „აბა რა საქმე მიენდობა ისეთ კაცს (ე. ი. ს. ქვარიანს), რომელმაც საკანცელარიო ხარჯებს 700 მანეთი მოანდომა და ხარჯის გასამართლებელი საბუთებიც ვერ წარმოადგინა. ქვარიანი საზოგადო ფულს განძრახ უკანონოდ ფლანგავსო“ და სხვა და-სხვა. ესმის ჩვენს ოპონენტს თუ რა სუნი უდის ამ სიტყვებს?! ესმოდა-კი, თუ რას წერდა იმ დროს?! იყო ის მაშინ სრულს გონებაზედ?! თუ აგრეა, მაშ ბ-ნ აბაშიძეს ქვარიანი გაუსწორდება სხვაფრივ, ახლა კი მოგახსენებთ, რომ ეს მისი სიტყვები არის თავიდან ბოლომდე **საშინელი ცილის წამება, საზოგადო ინსინუაცია**; სხვა სახელი არ ეთქმის მათ. მოგახსენებ პატივცემულ მკითხველს და ისმინოს აბაშიძემ, რომ ს. ქვარიანის, როგორც მდივნის, ხელში გაუვლია თავიდან ბოლომდე 700 მანეთს-კი არა, არამედ 1047 მანეთს და 20 კაპეიკს; დახარჯულა საქმეში კი სულ 1166 მან. და 61 კ. ასე, რომ ქვარიანის მიერ მისივე ჯიბიდან ზედ-მეტად დახარჯული ფული 119 მ. და 41 კ. ქვარიანმა მიიღო ბ. ზდანოვიჩისაგან, ე. ი შავი-ქვის საზო-

გადოების ფულიდან, ნაწილ-ნაწილად ამა წლის მარტიდგან 14 აპრილამდე. ახლა ვიკითხოთ, თუ რაში დაიხარჯა ეს ფული? ამ ფულში შედის მდივნის დროებითი ჯილდო თვიურათ 50 მ. *) შუა ივნისიდგან თებერვლის დავლევამდე, სულ 425 მ., კიდევ მისთვის კანტორის ხარჯათ 90 მ.; გარდა ამისა 200 მანეთი დავურიგე ოქმის დადგენილების ძალით ვექილებს და კომისიის წევრთ პრაგონათ თითო თუმანი ყველა კანონიერი საბუთები არის ჩემ მიერ წარდგენილი. დანარჩენი 451 მანეთი დაიხარჯა 9 თვის განმავლობაში დეპეშებში, ვექსილის ბლანკებში, ამხანაგობის განცხადებების დასტამბაში (კავკაზის რედაქციამ წაიღო 90 მ.), წესდების დასტამბაში რემინგტონზე გადამწერის და ისე მწერლის ჯილდოთ, ფოსტის ხარჯებათ, ჭიათურაში ასვლის პრაგონის ფულად, ეტლში კომ. წევრების მოსაყვანად, პორტფელში, პაპკაში და სხვ. ყოველივე ამის დაწვრილებითი ანგარიში წარვუდგინე კიდევ 23 იანვარს კომისიის და ვექილთა შეერთებულ სხდომას და მასთან მოვითხოვე საქმეების და დახა-

*) ეს ხუთი თუმანი მეძლეოდა როგორც მდივანს დროებით ჯილდოთ კომისიის დადგენილებით (იხ. ოქმი XXXVIII) შუა ივნისიდგან, მაშინ როდესაც ამ საერთო საქმეს შევუდექი მარტიდგან. ასე რომ ნამდვილად თვიურათ მიმიღია 4 თუმანი იმ კაცს, რომელიც თითქმის დღე ღამ უნდებოდა ამ საქმეს. დღეს კი შავი ქვის საზოგადოების მდივანს შედარებით ნაკლები საქმე აქვს და იღებს ას მანეთს თვიურ ჯამაგირს.

ავტორი.

რჯულ ფულის რევიზია. აი, რა სწერია იმ ოქმში: — „მდივანმა ქვარიანმა წარმოადგინა სავსებით იმ ფულის ანგარიში, რომელსაც მისს ხელში გაუვლია ამ ცხრა თვეს. აღმოჩნდა, რომ სულ მდივნის ხელში გაუვლია 977 მან. 20 კ., მდივანს კი დაუხარჯავს სულ 23 იანვრამდე საქმეებში 1019 მ. 43 კ., (იმ დროს მეტი არ იყო დახარჯული, დანარჩენი დაიხარჯა თებერვალში), ასე რომ უნდა მიიღოს მდივანმა კიდევ 42 მ. 23 კ. მასთან მდივანმა მოითხოვა რევიზია, როგორც მთელი საქმეებისა, ისე დახარჯულ ფულისა. დაადგინეს: „მიღებულ ოქმნას ბ-ნი მდივანის მიერ წარმოდგენილი ანგარიში, ხოლო რევიზიის მოხდენა არაა საჭიროდ ცნობილი“ (იხ. ოქმი LXXII). თებერვალის დამლევს კი, ყოველივე საქმეების ჩაბარების დროს, წარვუდგინე ბ-ნ ზდანოვიჩს ყოველივე ხარჯის სრული ანგარიში, წერილობითი სიღასამართლებელი საბუთებით, ე. ი. იმ საბუთით, რომელთა მოპოვებაც-კი შეიძლებოდა. შიგ არ იყო, რასაკვირველია, იმის საბუთი, თუ რა დაიხარჯა ეტლზე, 2 და 7 კაპეიკიან მარკებზედ, ან ვექსილის ბლანკზედ. ამათზედ კვიტანციებს არ იძლევიან არც მეგტლენი, არც ფოსტა და არც ხაზინა. ხოლო ამ ხარჯების გაგებაც და შემოწმება აღვილად შეიძლება, როგორც თვით საქმებით და მოწმეებით, ისე ჩემი სამახსოვრო წიგნით, რომელშიაც დაწვრილებით ვწერდი, თუ რა დროს რისთვის რა ხარჯებს ვახდენდი (რამდენის ჩაწერა და-

მავიწყდა სიჩქარის გამო და ამ რიგად რამდენი ვი-
 ზარალე ჩემის ჯიბიდან, ამას ვილა ჩივის!). ყოვე-
 ლივე ამის დასამტკიცებლად ჩემ მიერ დახარჯულ
 ფულის სრულს სიას ვარდგენ „ივერიის“ პატივცე-
 მულს რედაქციაში. ხოლო იმ საბუთებში დამეკარგა-
 რი დეპეშის კვიტანცია 14 მ. 96 კ-ისა; ეს დეპე-
 შები გაგზავნა ბერლინში ბ. საეტმა; მანვე გადმომცა
 კვიტანციები და ბ-ნ ზდანოვიჩის წინ მივეცი საეტს
 15 მანეთის ოქრო, გამომიბრუნა 4 კაპ., ეს იყო
 26 იანვარს; ეს კარგად უნდა ახსოვდეთ ბბ. ზდა-
 ნოვიჩსა და საეტს; იმედია უარს არ იტყვიან და
 თუ საჭირო იქმნა, შეიძლება მივიღოთ კვიტანციის
 დუბლიკატები ფოსტა-ტელეგრაფის კანტორიდან,
 ანგარიშის საბუთების ჩაბარების დროს ყოველივე
 ავუხსენი ბ-ნ ზდანოვიჩს. მანვე შეამოწმებინა ყვე-
 ლაფერი და შემდეგ მომცა ჩემი ზედმეტად დახარ-
 ჯული 119 მან. 41 კ. ბ-ნი ზდანოვიჩი, სადაც
 უჯობს ნამეტანი ფორმალისტია და მეტის-მეტი
 ფრთხილი აღამიანი; ის არას დროს არ ყოფილა
 ჩემთვის მეგობარი და ლმობიერი, ამიტომ არას
 დროს არ მომცემდა ჩემს ფულს, ზედმეტად დახარ-
 ჯულს, რომ არ დარწმუნებულიყო ჩემ მიერ წარ-
 დგენილ ანგარიშის სიმართლეში. **აი ნამდვილი ფაქ-**
ტა, აი ნამდვილი ჭკუშპანტებს!... ამის შემდეგ თქვენ-
 თვის მომინდვია, მკითხველო, უწოდოთ ბ-ნ კი-
 ტა აბაშიძეს თავის შესაფერი სახელი. ეს-კიჟ, რომ
 ცილის-წამება, ფაქტების დამახინჯება და ლანძღვა-

გინება არის ამ „დიდებულ პუბლიცისტის“ argumentum primarium.

III.

ღიდ ბოდიშს ვიხდით მკითხველთან, რომ ეს წერილი გავაჭიანურეთ. მიზეზათ მარტო ჩვენი ღირს-შესანიშნავი ოპონენტები არ გახლავან. ამ წერილით გვსურს უფრო ვრცლათ გავაცნოთ მკითხველს „შავი ქვის საზოგადოების“ საქმენი და მეტი ნათელი მოვფინოთ მის შინაგან დაფარულ ჩარხს. როგორც წინეთ ვსწერდით, მარგანეცის საქმე თითქმის უუპირველესი საქმეა მთელ დასავლეთ საქართველოსთვის. ამ შავი-ქვით სჭამენ პურს 7—8 ათასი ოჯახი. ამ საქმეს შამოაქვს წლიურად ევროპიდან 6—7 მილიონი მანეთი. ქიათურაში გაუბამთ ქსელი და გაბატონებულან უმეტესად უცხოელი ელემენტები. მათ დაუმონებიათ ნივთიერად მკვიდრნი და სწოვენ სისხლს. სწორეთ ამ წურბელა-ჩარჩების მოსაშორებლად და ადგილობრივ მრეწველთა დასახმარებლად წელს დაარსდა ქიათურაში „შავი-ქვის საზოგადოება“, რომლის წევრად ითვლება 188 ქართველი მრეწველი, (ამათში ორი ჯერ არაა ოფიციალურად მიღებული) და არა 180 კაცი, როგორც ბრძანებს ბ-ნი აბაშიძე. საკვირველია, ეს კაცი სხვას უკიჟინებს არითმეტიკის არ ცოდნას და თითონ ამ „დიდებულ“ ბანკირს ყოველ ნაბიჯზედ

ეშლება ციფრები, თუმც სიებიც და ანგარიშებიც ხელში აქვს. ამ რიგად „შავი-ქვის საზოგადოებაში“ შევიდნენ ჭიათურის მრეწველთა ნახევარზედ მეტი. რა არის ამ შავი-ქვის საზოგადოების მიზანი? მისი მიზანია შეაერთოს დიდ ამხანაგობათ ადგილობრივი მრეწველნი, რომელნიც დაყოფილია ჯგუფებათ სრულის ამხანაგური წესით, მოუპოვოს მრეწველთ ბაქნები და იაფი სესხი, გაუიფოს და გაუადვილოს მადნებში მუშაობა, გააუმჯობესოს ქვის ღირსება ქვის გარჩევით, გარეცხით, ან სხვა საშუალებით, განაკარგოს მადნებში მუშაობის ტექნიკა, გააიფოს ქვის მადნიდგან ჩამოტანა ლარების, ბრემსბერგების ან მავთულის თოკების საშუალებით, დააკლებინოს რკინის გზის ტარიფი, იქონიოს პირ-და-პირი გზა და კავშირი ევროპა-რუსეთის მექარხნეებთან და ამ-რიგად, თუ არ მოხვოს, შეამციროს მაინც ძლიერ მსყიდველთა, ექსპორტიორთა და კომისსიონერთა უზომო ეკსპლოატაცია. სხვათა შორის, ამ მიზნების მისაღწევად ეს საზოგადოება, ჯერ კიდევ დაარსებამდე, ე. ი. ჭიათურის მრეწველნი, შეეკვრენ საამხანაგო პირობით ბერლინის მანგან-სინდიკატს, რომლის მოვალეობაა საქონლისათვის ბაზრების მოპოვება, ქვის რიგიან ფასებში გაყიდვა და ადგილობრივ საწარმოვოდ ფულის მიცემა 60/0-ით და სხვ.

როგორც სჩანს, ამ „შავი-ქვის საზოგადოების“ დაარსების მიზანი ფრიად საგულისხმო და სიმპატიურია, იგი ჟებება ჭიათურის მრეწველთ, წარმოების

გაწესრიგებას და სამართლიან საფუძველზე დამყარებას, ამიტომ მას უნდა დაეხმაროს ყოველ მხრივ, როგორც ადგილობრივი პრესა და ინტელიგენცია, აგრეთვე თვით უმაღლესი მთავრობა. ამ შავი-ქვის საზოგადოებას არა აქვს მარტო კომერციული ხასიათი, ეს იმავე დროს საზოგადო საქმეა და მისი ყოველი ზრდა და მოქმედება, რამდენათაც ეს შესაძლებელია, უნდა იყოს აღნიშნული ადგილობრივ ჟურნალ-გაზეთებში. სწორეთ ამ თვალით ვუცქერდით და ვუცქერთ ამ საქმეს და ამიტომ იყო, რომ სისტემატიურად ვაცნობდით მის ვითარებას მკითხველ საზოგადოებას (იხ. „ივერია“ №№ 186, 206 ღ 233, 1901 წ., აგრეთვე „ცნობის ფურცელი“ №№ 1688 და 1739). ზოგიერთ ვაჟბატონთ არ მოსწონთ ეს გულახდილობა, არ სურთ გაზეთის „ყბაში“ ჩაადონ ეს საქმე, ისინი ბრძანებენ, რომ ეს საქმე ვიწრო კომერციულიაო; აქ ყველაფერი ფარული და საიდუმლო უნდა იყოსო და სხვ. საქმის გაუცნობელი პირი მართლაც შეფირქრდება ამ სიტყვებზედ; შეიძლება დაეთანხმოს კიდევ, და ვინც საქმეს გაცნობილია, მან კარგად იცის, თუ რა იფარება ამ სიტყვების უკან. ამ ვაჟბატონთ უყვართ სიბნელი და ბნელი ღამეები, უყვართ სიჩუმე და ფარულობა, რადგან... ტუჩი ღინღლში აქვთ გასვრილი, მაგრამ ეს ჩვენ შორის იყოს, მკითხველო. რაკქნათ თუ „მეტიჩარა“, „აბეზარ“ ქვარიანს და მის თანამოაზრეებს უყვართ სინათლე და სურთ ძალის-

ძალად შეიტანონ ანთებული ჟინჟილი შავი-ქვის საზოგადოების საქმეთა წყვილიადში, რათა აჩვენონ ქვეყანას ამ საქმის მექანიზმის მანე და ფარული აშკები!

ბბ. რგანელი და აბაშიძე ბრძანებენ, რომ გამგეობის არჩევით საზოგადოებას დიდი ხარჯები მოვიდოდლოდა, მოჰყავთ ხარჯთ-აღრიცხვა 30,900 მანეთისა საიდგანაც თავმჯდომარეს, დირექტორებს, ბუკგალტერს და მოლარეს ეძლევათ სულ 12,700 მან. წლიურად; ახლა-კი იხარჯება 4,200 მ. და სხ. აქ „დიდებული პუბლიცისტი“ გვიწუნებს არითმეთიკის ცოდნას. ჯერ ერთი ვკითხოთ ამ ორს რაინდს; თუ ვისი შედგენილია ეს ხარჯთ-აღრიცხვა 30,900 მანეთისა? ის შეადგინეს ვექილებმა და საორგანიზაციო კომისიამ შავი-ქვის საზოგადოების დაარსებამდე; იგი არ განუხილავს, ლ არც მიუღია საზოგადო კრებას. ეს ხარჯთ აღრიცხვის პროექტი არის მეტად სრული და ჭიათურა-ქუთაისის და ვგონებ ფოთის კანტორებზედ გაზომილი. მასთან მისი შემცირება შეიძლება სამჩინევად. აქ თავმჯდომარეს ეძლევა 3000 მ., მის მოადგილეს 2,500 მ., ორს დირექტორს თითო 2000 მ. და სხ. ამის ნაცვლად შეიძლებოდა აგვერჩია მხოლოდ სამი კაცი: თავმჯდომარე 2000 მ. და ორი დირექტორი 800 მ. თითო, მასთან ექნებოდათ კიდევ 0/0/0 წმინდა მოგებიდგან, ჯერ ხანად ამ ფულს დასჯერდებოდენ საქმის მოყვარე კაცები. მასთან რადგან

ჯერ ოთულო საქმეები არ არის, ადვილად შეეძ-
 ლოთ ეკისრათ ამათვე მდივნის, ბუჰგალტრის და
 მოლარის თანამდებობა. ამ რიგად ამ პირთა წლი-
 ური ხარჯი აღირიცხებოდა 12,700 მანეთით კი
 არა, არამედ **5,600 მანეთით**. ბ-ნი კიტა ბრძანებს,
 რომ დღეს საზოგადოებას წლიურად მარტო 4200
 მ. ეხარჯებაო. აქ მცირე რამ გულმავიწყობა ემ-
 ჩნება ჩვენს არხიმედს. აქ უცაბედათ დავიწყნია მდი-
 ვანი, რომელიც იღებს დღეს წლიურად 1200 მ.
 და კიდევ მწერალი, რომელიც იღებს, თუ არ
 ვცდებით, 200 მანეთამდე; (ნეტავ ბ-ნი ზდანოვიჩი
 რამდენს იღებს კიდევ?). ასე რომ მათ დღევანდელ
 ხარჯს შეადგენს სწორეთ 5,600 მან., გარდა ბ-ნ
 ზდანოვიჩის და კომისიის წევრთა ჯილდოისა, ე. ი.
 იმდენი, რაც მოუვიდოდათ გამგეობით ო რასაც
 ვამბობდით წინეთ. ახლა გავიგოთ, თუ რა უპირა-
 ტესობა ექმნებოდა გამგეობის არჩევას: გამგეობა
 გაეცნობოდა ყოველივე საქმეებს და მთელს თავისს
 დროსა და ენერგიას მოანდომებდა მათს მოწყობას,
 ჩააყენებდა მათ აზრიან ფარგალში, ეცდებოდა მოე-
 პოვა ჯგუფთათვის საჭირო ბაქნები და მით არ
 გაამწვავებდა საქმეს, როგორც მოხდა დღეს, ვი-
 ნაიდგან ზიდვენ ქვას საზოგადო ბაქანზედ. გამგეო-
 ბის რომელიმე წევრი წავიდოდა ბერლინში ან
 ლონდონში და ეცდებოდა გაეყიდა ქვა, ვინაიდგან
 დღეს ქვის გაუყიდობა სულს უხუთავს მთელს სა-
 ზოგადოებას; გამგეობა უფრო ეფად, უფრო ბევრს

და უფრო აზრიანად იყიდდა მადნებს საზოგადოების წევრთათვის; გამგეობა კიდევ ბევრს სამნიშვნელო საქმეს ჩაიდენდა, რაიცა ძლიერ სასარგებლო იქმნებოდა მრეწველთათვის. დღეს-კი ჭიათურას ბანკარებს და ბ-ნ ზდანოვიჩს ან სცაღლიანთ ამ საქმეებისათვის, მათ თავიანთი საქმე აქვთ. ჭიათურის ბანკირებს არც შეუძლიათ და არც აქვთ უფლება გაეცნონ ამ საქმეებს; მათ მიანდევს ქვის მიღება, საზოგადო ბაქნები, ფულის მიცემა და სხვა რამეზედ ხელი არა აქვთ. მაგრამ ამ სამართლიან და აზრიან ორგანოს, ე. ი, გამგეობის დაადსება ან სუჯს. ბ-ნ ზდანოვიჩსა და მის ვეზირებს, ან სუჯს. ბ-ნ აბაშიძეს და ზგანელს. გამგეობის დაარსებით ბ-ნი ზდანოვიჩი ველარ იქნება საქმის ბატონი და მეთაური; მან ან უნდა დაანებოს თავი საბჭოს თავმჯდომარეობას (რასაც არ იზამს), ან შავი-ქვის საზოგადოებას. ამ რიგად ამ „უანგარო მოღვაწეს“ აღარ ექმნება წლიური ჯილდო 2,000—3,000 მან. გამგეობის დაარსებით იმ ორ ვეზირსაც მოაკლდება გავლენა და ბატონობა. გამგეობის დაარსებით არც კიტა აბაშიძეს და არც რგანელს ექნებათ ას-ასი მანეთი თვეში, აი რა აშფოთებს და რა აცხარებს ამ „უანგარო მოღვაწეებს“! დეე, ისევ საზოგადო საქმე დასწეულდეს, დაისეტყოს და დაზიანდეს, ვინემ ჩვენ მოგვაკლდეს უფლება, გავლენა და ჯამაგირებიო! აი მათი ჭეშმარიტი აზრი და მიზანი! მაგრამ ათასი რომ ილაქუცონ, იფარისევილონ და

ითვალთმაქცონ, მაინც დამკვირე კაცი ცნობს, თუ რა ედემის კენკერი ბრძანდებიან ეს ვაჟბატონები. მათ შეუძლიანთ შეცდომაში შეიყვანონ მხოლოდ გულუბრყვილონი და საქმის გაუცნობელი პირნი და არა სხვა; თუმც ცდილობენ ძლიერ გვეჩვენონ თეთრად და უმანკოდ, მაგრამ თქმულა:— „არ გათეთრდება ყორანი, რა გინდ რომ ხეხო ქვიშითა“.

IV.

ბ. რგანელი და აბაშიძე ბრძანებენ, რომ 19 ჯგუფიდგან ხუთსაც არ უნდათ კერძო საწყობზედ ზიდვაო, ამხანაგობამ მიიღო 2 მილიონამდე ქვა, ქვის ფასი ასწია 8 და 9 კაპეკამდე ლ დაურიგა მრეწველთ 350,000 მანეთიო; როდის იყო ქვის გაყიდვის შვენიერი მომენტებიო. დღეს ქვა იყიდება 8,75 და 9 პენსათო. სოიუზმა კიდევ შარშან გაყიდა ქვაო, თუ უსაზღვრო კრედიტი გაუხსნეს, რათ შესწყვიტა მუშაობაო და სხ. ყოველივე ეს თავიდგან ბოლომდე შემცდარი და დაუსაბუთებელი აზრია. იმ 19 ჯგუფში ვგონებ 2 და 3-იც არ იქნება, რომ ცალკე თავიანთ ბაქანზედ ქვის ზიდვა არ უნდოდეთ; აბა ვკითხოთ ყველა მრეწველთ თუ ასე არაა! როგორც ცნობილია, ყველა მრეწველი ერთგვარ ქვას ვერ ამზადებს; მასთან სხვა-და-სხვა ალაგს მდებარე მადნებიც სახვა-და-სხვა ღირსების ქვას იძლევა. აი ეს ღირსების სხვა-და-სხვაობა ბადებს საზო-

გაღო ბაქნებზედ ქვის დაწუნებას, ფასების სხვა-და-სხვაობას, ნათელ-მირონობას და დიდს უკმაყოფილებას. მაგრამ ყველაზედ ცუდი ისაა, რომ ქვის დაწუნების და ფასის დაკლების გამო საზოგადოების წევრთა თითქმის ნახევრობა, 70—80 კაცი, იძულებულნი შეიქმნენ, რომ შიმშილით არ მომკვდარიყვნენ და ხარჯები აღედგინათ, გარეშეთ ეზიდათ ქვა, რადგან სხვაგან იმ ქვაში უკეთესს ფასებს აძლევდნენ და არც იწუნებდნენ. ყველა ეს პირები კი სასტიკად დააჯარიმა გამგეობის წარმომადგენელმა ბ-ნმა ზდანოვიჩმა და კომიტეტმა, და ამ მოვლენამ გამოიწვია კიდევ მეტი უსიამოვნება. საოცარი ხალხია ეს სათავეში მდგომი „მოღვაწენი“! თითონ შექმნეს დამრეცი გზა, თითონ მიიყვანეს იმ ზომამდე, რომ ქვა სხვას უზიღონ და ამ მრეწველთ-კი აჯარიმებენ. ამ 19 ჯგუფში არის ორი, რომელნიც თავიანთ ბაქნებზედ ზიდვენ ქვას და კარგ ქვასაც, (მათ მისცეს ნება); მიუხედავად იმისა, რომ ერთი ჯგუფის წევრნი შედარებით მცირე ფასს იღებენ, არც ერთს არ უღალატნია და ყველას მოაქვს ქვა. აი რას ნიშნავს თავის ბაქანი და ის შეგნება, რომ ეს ქვა, რაც ჩამომაქვს საკუთრად ჩემია და მის სიავე სიკარგეში მევე ვაგებ პასუხსო! ჩვენ ხალხს ჯერ არა აქვს კარგად შეგნებული საერთო მოქმედება და საზოგადო ბაქნების მნიშვნელობა და ამიტომ შედეგიც ისე ცუდია. ამგვარმა პოლიტიკამ სხვათა შორის ძირი გამოუთხარა კავკასიის მრეწვე-

ლთა პირველ ამხანაგობას და ვშიშობ, რომ „შავი-
ქვის საზოგადოებასაც“ არ დამართოს ეგვევი ზიანი.

რაც შეეხება მეორე კითხვას, ე. ი. ორ მილიონამდე ქვის დამზადებას, ვიტყვით: ჩვენ რომ პირველი წერილი დავწერეთ 20—21 ივნის და გაგვგზავნეთ რედაქციაში, იმ დროს დამზადებული ქვა ბევრით არ აღემატებოდა ერთ მილიონ ფუთს. დღეს, ე. ი. ექვსი თვის განმავლობაში (მარტიდგან) ამოდენა საზოგადოებას დაუმზადებია მხოლოდ ორი მილიონი ფუთი ქვა. მერე ეს უკვირს კიტა აბაშიძე?! მერე ეს საქმეა?! **ესაა ძასხანობა და ჩხირ-კედელობა და ანა საქმე.** მანგან სინდიკატთან პირობის ძალით ჩვენს კონტრაგენტს უნდა გაეყიდა წლიურად არა ნაკლებ ოცი მილიონი ფუთისა; მაშასადამე, თუ არა შეტი, ამდენივე ფუთი ქვა უნდა დაემზადებია საზოგადოებას, ანუ ექვს თვეში ათი მილიონი ფუთი; დღეს-კი დაუმზადებიათ მხოლოდ ერთი მეხუთედი; და ეს ამ ექვსს საუკეთესო თვეში! რაღას გააკეთებენ და ჩამოზიდვენ ზამთარში? აი, ამას ბრძანებს კიტა აბაშიძე, რომ დიდ საქმეს ვაკეთებთო! სწორეთ სასიცალოა, რომ სამწუხარო არ იყოს. ამავე დროს ექსპორტიორები ყიდულობენ და გააქვთ 10—12 მილიონი ფუთი და, თითქო საზოგადოება არ არსებობდეს, ისე მოქმედებენ ძველებურად. აი ამას ჰქვია საქმე!

მესამე: საზოგადოებამ ქვის ფასი 8—9 კაპეიკამდე ასწიაო და დაურიგა მრეწველთ 350,000 მა-

ნეთიო. ნუ გამოვეკიდებით აქ ამ ციფრს, რომელიც გაზვიადებულად მიგვაჩნია. ერთი გვიბრძანოს ბ. აბაშიძემ ვის აძლევდენ 8—9 კაპეიკს ფუთში? 8 კაპეიკს აძლევდენ მხოლოდ 2—3 კაცს ისიც ნასაკირვეის და ვირი-კენჭას ან უუპირველეს მადნების გაწმენდილ ქვაში; 9 კაპეიკი აწავისთვის ან მიუციათ. დანარჩენებისათვის კი საყოველთაო ფასი (მაზანდა) ჭიათურაში იყო 7 და $7\frac{1}{2}$ კაპეიკი და ჭიქოურაში 6 და $6\frac{1}{2}$ კაპ. აი რა ფასებს აძლევდენ მრეწველთ! ჭეშმარიტად საოცარია ფაქტების ასე აშკარად დამახინჯება. ვინ უნდა დააჯეროს ბ-ნმა აბაშიძემ ამგვარი ლათაიებით?! ახლა რამდენი ქვა დაიწუნეს („დაბრაკეს“) და დაიტოვეს! დღეს ამ ფასებსაც აღარ იძლევიან. ექვს აგვისტოდან შეაჩერეს ერთიანად ქვის მიღება და უარესს მდგომარეობაში ჩაყარეს საზოგადოების წევრნი, ამით ისარგებლეს ექსპორტიორებმა, დაუწიეს ფასები და მოითხოვეს უკეთესი ქვა.*)

ამ ექვს თვეში 350,000 მანეთი დავურიგეთ ხალხსაო. დიდი რამე მომხდარა. ერთი ვიკითხოთ,

*) ეს პასუხი უკვე დაწერილი იყო, როცა შევიტყვე, რომ ამ ორშაბათს, ე. ი. 26 აგვისტოს ისევ დაუწყიათ ქვის მიღება, ხოლო დაუკლით ფუთზედ თითო კაპეიკი, ე. ი. ჭიათურაში იძლევიან 6— $6\frac{1}{2}$ კაპ. და ჭიქოურაში 5— $5\frac{1}{2}$ კაპ. ფუთზედ, რამაც გამოიწვია მრეწველთა შორის დიდი უსიამოვნება. ამავე დროს იტვირთება ფოთში „სოიუნის“ გემი და ამ ფირმას აქვს გაცხარებული მიღება ქვისა. ვგონებ არაა ძნელი გამოსაცნობი, თუ რად დაუკლეს ფასები!..

თუ რაა ეს ფული? ეს გახლავთ ვალი და მხოლოდ ვალი, რომლისთვისაც იხდიან სარგებელს და რომელსაც სიმწრით ამოწვდიან ერთ დროს და წაამწარებენ მრეწველთ, რადგან მანგან-სინდიკატს უკავია ხელში თითქმის ერთი მილიონი მანეთის ვექსილები და მრეწველთა მადნებიც საზოგადოებების სახელზედაა გადაცემული. ამ ფულიდან რომ გამოვქვითოთ 20—30,000 მ. სოიუზისათვის და 40,000 მ. მადნების შესაძენათ, დარჩება 280,000 მ. აი ეს ფული დაურიგდათ ექვს თვეში 188 მრეწველთ, მათ მუშებს, ჩალვადრებს, მწონავთ და ისე მოსამსახურეებს, აგრეთვე გარეშე პირთ, რომელნიც ქვას ეზიდებოდნენ ამათ ბაქნებზედ. აი, ამას ქვია დიდი საქმის გაკეთება...

მეთხე: ქვა იყიდება 8,75—9 პენსათო, ან როდის იყო ქვის კარგად გაყიდვის მომენტებო და სხვ. ერთი კითხეთ ბ-ნ აბაშიძეს, თუ რომელ ბირჟიდგან მიიღო ეგ ცნობა! მოვახსენებთ პატივცემულ მკითხველს, რომ შავი-ქვის ფასების ოფიციალური კოტიროვკა (განცხადება ბირჟაზედ), ისე როგორც რკინა-ფოლადის, პურის, აბრეშუმის და სხ. ჯერ არსად არ არსებობს. დღემდე ყველა ფირმას და ქარხანას თავისი საიდუმლო ფასი აქვს, დღემდე ყველა ექსპორტიორი საიდუმლოთ ინახავს თავის გაყიდულობის ფასს. მიუხედავად ამისა გამოცდილ კომერსანტს დაახლოვებით შეუძლია გაიგოს ქვის ფასი ევროპის ბაზარზედ. როგორც

ამბობენ, ამ ექვს თვის განმავლობაში ეს ფასი ქანაობდა $9-9\frac{1}{2}$ პენსამდე ერთეულ მეტალში ტონზედ. რომ მივიღოთ სახეში მეტალის 50% და ზღვის ფრაქტი 12 შილინგი, მოუდის ფუთ ქვას ფოთში $18\frac{1}{2}-20$ კაპეიკი. აქედან რომ გამოვქვითოთ რკინის-გზის ფრაქტი და სხვა ხარჯები, სულ 11 კ. და კიდევ $1\frac{1}{2}$ კ. მანკოთ და სინესტეთ, დარჩება პატრონს ფუთზედ წმინდა წონით $6-7\frac{1}{2}$ კაპ. და არა $5-6$ კაპეიკი, როგორც ბრძანებს ბ-ნი კიტა აბაშიძე, რომელსაც ცოტა არ იყოს ეშლება ანგარიში. ახლა ამას უნდა მივუმატოთ ჩვენ კიდევ სტივაჟი, დისპორჩმანი და სხვა წვრილმანი შემოსავალი გემის დატვირთვის დროს, სულ 1 კაპეიკამდე; მაშინ იქნება $7-8\frac{1}{2}$ კაპ. ფუთზედ წმინდა წონით. ეს ფასები რომ „სკიტკაზედ“ გადავიტანოთ, მოუვა ფუთს ქიათურაში $8,4-10$ კაპეიკი. ახლა კიდევ თუ მივიღებთ სახეში, რომ გაყიდული ქვა აღემატა 50% და გამოვიდა $51-52\%$; ეგრეთვე თუ ზღვის ფრაქტს 12 შილინგის მაგიერ მივიღებთ $9-10$ შილინგს, როგორც იყო ამ სამი თვის წინეთ, (ახლა ფრაქტმა სამჩვენად აიწია, რადგან ზაფხულია, გემები დაბნეულია ჩრდილო ზღვა-ოკიანებში და მასთან პურს ეზიდებიან), მაშინ ფუთ ქვას მოუვა ფოთში $21-23$ კაპეიკი, და ქიათურაში $8\frac{1}{2}-11$ კაპ. წმინდა წონით. ამას უნდა მივუმატოთ კიდევ ის კანონიერად თუ უკანონოთ, მაგრამ უფასოდ-კი გადატანილი ფუთები შორაპნამ-

დე, ან ფოთამდე, რაც კაი ხანია დამყარდა ქიათურის პრაქტიკაში და ადვილად ცნობთ, თუ რამდენად სამნიშვნელოა ქვის გაყიდვა 9 პენსათაც-კი. ეს იცის ყოველმა შეგნებულმა მრეწველმა, ეს იცის კარგად ყოველმა მსყიდველმა და ექსპორტიორმა, ეს არ ცოდნებია მხოლოდ „დიდებულ ჰუბლიცისტს“ ბ-ნ კ. აბაშიძეს. ჭეშმარიტად სამწუხაროა, რომ უნივერსიტეტის ცოდნით აღჭურვილი კაცი თითქმის ორი წელიწადი ტრიალებდეს საწარმოვო ცენტროში, ე. ი. ქიათურაში, იყოს ბანკის გამგეთ და ქვის ფასების ვითარება და ანგარიში არ იცოდეს, მაგრამ ნუ გავამტყუნებთ, მკითხველო! ბინძური ქიათურა თ. აბაშიძის ბინას და შესწავლის ინტერესს არ წარმოადგენს. ამას ეჭირვება შეწუხება, შრომა და გასვრა შავ მტვერში, ეს-კი თავად აბაშიძის ნაზ აგებულებას არ ეხამება. ეს ექს-ფეოდალი ან ბრძანდება და ისვენებს თავისს რეზიდენციაში, (ს. კაცხში), ან ქუთაისში მასლაათობს, ან ტფილისში აცხობს თავის „კრიტიკის“ და პოლემიკის შედეგებს. ქიათურა და შავი-ქვა რა მაგის საქმეა?! მაგას მთავრით მხოლოდ ჯამაგირები, ბევრი ფულები და სხვას ნურას მოჰკითხავთ. რა ქნას, შაგირდმა უნდა წაბაძოს თავის ოსტატს.

V

ბარდა იმ რეალურ სარგებლობისა, რაც ჩვენ აღვნიშნეთ 9—9^{1/2} პენსად ქვის გაყიდვის

შედგად, ამ გაყიდვას აქვს კიდევ სამი და ოთხი დიდი მნიშვნელობა: 1) „შავი-ქვის საზოგადოება“ ამ გაყიდვით აცნობს თავის საქონელს მსოფლიო ბაზარს, რამდენობით იკავებს მას და მით უწევს მეტოქობას ექსპორტიორებს და გარე ქვეყნების ქვას. 2) მოდის მოძრაობაში საზოგადოების ადგილობრივი მექანიზმი და ყოველი მისი წევრი ფხიზლად და მხნედ ეკიდება საქმეს. 3) მადნებში ჩაღდება მუშაობა და მრეწველთ აღარ მოუვათ ის დიდი ზარალი, რაც დღეს მრავალს მოსდით მუშაობის შეჩერებით ან შემცირებით, ე. ი. აღარ დაუნესტიანდებათ და დაენგრევათ მალაროები (ტუნელები) და აღარ გაუვათ ტყვილ-უბრალოდ ხარჯი შტეიგერზედ, თავდგმურზედ, კანტორაზედ, მალაროს გამაგრებაზედ და სხვ. და 4) ფარავს $0/0/0$ -ს, რომელთაც შობს ნასესხი ფული და მასთან ქვის გაზიდვით ადგილობრივ უწევს მეტოქეობას ექსპორტიორებს. მაშინ ასში ერთი თუ გამოჩნდებოდა საზოგადოების წევრთაგან, რომ მიეტანათ ქვა სხვებისთვის, რასაც დღეს ჩაღიან 70 და 80 კაცი. ყოველივე ამის მიხედვით საზოგადოებისათვის დიდ ინტერესს შეადგენს ქვის გაყიდვა $9-9\frac{1}{2}$ პენსადკი არა $8\frac{1}{2}$ პენსადაკი. ამიტომ იყო, რომ ერთი ჯგუფის გამოცდილი წარმომადგენელი ბ-ნი ნ. ყიფშიძე გაიძახოდა 11 სექტემბრის სხდომაზედ:— „გამაყიდინეთ ქვა და მოგვეციოთ ავანსად $5\frac{1}{2}-6$ კაპიო“. ამიტომ იყო, რომ ჩვენ გვესურდა ძლიერ

საზოგადოების ქვის გაყიდვა და იმავე სხდომაზედ წარმოვსთქვით შემდეგი მანგან-სინდიკატის წინადადებაზედ:—„მიეცეს ნება მანგან-სინდიკატს გაყიდოს ქვა მაზანდაზედ ათ მილიონ ფუთამდე ამ პირველ ექვს თვეს იმ პირობით, რომ მოგება-წაგებაში იყოს სრული ამხანაგი თანახმად კონტრაქტისა და ავანსადაც მოგვეცეს იმდენი ფული, რაც საჭირო იქმნეს ქვის დასამზადებლად და ჩამოსატანად ჭიათურაში“ და სხ. (იხ. ოქმი LXXV^{III}). მაგრამ ყურიც არ ათხოვეს ამ ჩვენს სიტყვას. მანგან-სინდიკატს მოთხოვეს იმგვარი პირობა ქვის გაყიდვისა, რომელიც მან ვერ შეასრულა და ქვაც დღემდე დარჩა გაუყიდავი.—მკითხავენ: როდის იყო ქვის გაყიდვის კარგი მომენტებიო. კარგი მომენტები გახლდათ შარშან სექტემბრიდან ამა წლის მაისამდე, როცა ქვა ფასობდა 9—9¹/₂ ჰენსად და ზღვის ფანსტი დაეწა 9—10 შილენგზედ. აი ამ ხანებში უნდა გაეყიდათ ქვა, ვისაც-კი ქონდა ერთი ფიორი კომერციული ალლო! აი სწორედ ამ ხანებში იყო, რომ გაყიდეს ქვა ბერძნებმა, ბართლ. მოსე-შვილმა, ოგანეზოვმა, ფორუდმა, შეტცმა და პანასემ; ამ უკანასკნელმა გაყიდა 15 მილიონი ფუთი *). სწორედ ამ ექსპორტიორების ქვა იგზავნება დღეს ევროპა-რუსეთში, სწორედ ესენი მოქმედე-

*) ეს წერილი დამთავრებული გვქონდა, რომ გავიგეთ კაკაბაძეებს, თ. პ. წულუკიძეს და ჩუბინიძეს გაუყიდიათ ევროპაში ქვამ.

ავტორი.

ბენ და იგებენ ფულს. „შავი-ქვის საზოგადოება“-
 კი ამ დროს ყლაპავს ბუზებს და ნაყავს წყალს
 უმნიშვნელო ლაყობით, მასთან ეზიდება ჩუმი
 ქვას ექსპორტიორთა ბაქნებზედ და მით ამაგრებს
 თავიანთ მტერთ. ყოველივე ეს მოხდა, როგორც
 მანგან-სინდიკატის გამგეობის, აგრეთვე შავი-ქვის
 საზოგადოების მეთაურთა **უვიცობით, უდაერობით**
 და **გამოუცდავლობით**, რომ მეტი არ ვსთქვათ. ვი-
 მეორებ, საჯარიმონი ის 70 მრეწველი-კი არაა,
 რომელნიც ჩუმი უზიდვენ ქვას გარეშე პირთ,
 არა, საჯარიმო ის ვაჟბატონებია, რომლებმაც თა-
 ვიანთი უვიცობით და სხვა-და-სხვა მოსაზრებით
 შეაჩერეს საზოგადოების მოქმედება, ვერ გაყიდეს
 ქვა, მისცეს ჯგუფებს ბაქნები და მით დააყენეს
 მრეწველნი ცუდ გზაზედ და ჩააყენეს იმგვარ პი-
 რობაში, რომ იძულებული ხდებიან სხვებს მიყო-
 დონ ქვა, რომ შიმშილით არ მოკვდნენ. სიმართლე
 გვაიძულებს ვსთქვათ, რომ გამგეობის მეთაური ბ-ნი
 ზდანოვიჩი ვერ გახლავთ დახელოვნებული მარგა-
 ნეცის საქმეებში და ოპერაციებში. ამას ყველაზედ
 უკეთ გრძნობს თითონ. შეიძლება ბ-ნი ზდანოვიჩი
 ბრძანდებოდეს კარგი ტეორეტიკი და მცოდნე კა-
 ცი, მაგრამ რაც შეეხება პრაქტიკულ ნიჭს, კომერ-
 ციას და მარგანეცის საქმეს, იგი ამათში სამწუხა-
 როდ სამჩნევად გამოუცდელია და სუსტი. ამაში
 ღრმად დავრწმუნდით 10 თვის განმავლობაში მას-
 თან ერთად მუშაობით და დაკვირვებით. ამ ახალ

კომიტეტში და ვეჭილებში სამ-ოთხ კაცს თუ ეს-
მით რიგიანად შავი-ქვის საქმე. თვით ეს შავი-ქვის
საზოგადოება, მისი მიზანი და მისწრაფებანი კარ-
გია და სიმბატიური, მაგრამ მას არ უყავს **შესაფე-
რი მეთაურნი** და მით იჩაგრება და სნეულდება მი-
სი საქმენი. **აი ეს გვაწუხებს, აი ეს გვაღაჟანაკებს!**

დაბოლოს ბრძანებენ: „სოიუზმა“ კიდევ შარ-
შან გაყიდა ქვაო; თუ კრედიტი გაუხსნეს, რათ
შეწყვიტა ქვის მიღებაო და სხვ. ოჰ, ეს „სოიუზი“!
ეგ არის ის უხილავი რიფი, ის სცილოდა და ხა-
რიბდა, რომელიც ღუპავს გემებს! ოო, ბევრი,
ბევრი. რამ შეიძლება ვიბაასოთ „სოიუზზედ“, მა-
გრამ ვშიშობთ მეტად შორს წაგვიყვინს; ეს წერი-
ლი ისედაც გაგრძელდა ჩვენდა უნებურად. ამიტომ
ახლა გაკვრით ვთქვათ „სოიუზზედ“ და სხუმის
უფრო ვრცლად ვისაუბროთ ამ თირმის ისტორი-
აზედ და ოდისვიაზედ. — „სოიუზმა“ კიდევ შარშან
თებერვალში მიყიდა ჰირშს ბერლინში 2¹/₂ მილი-
ონი ფუთი ქვა 23¹/₂ კაპეკათ ფუთი კომისიონერ
როზენბერგის საშუალებით ღაჟანსათაც მიიღო 25000
მანეთი. შემდეგ ქვა უფრო და უფრო დაეცა ფასებ-
ში და დავიდა ფოთში 16—17 კაპეკზედ. ამ რი-
გად ჰირში ხარალობდა ფუთზედ ექვს კაპეკს, ანუ
სულ 150.000 მანეთს. (რა მიზეზით იყიდა გამოც-
დილმა ჰირშმა „სოიუზიდან“ ქვა 23¹/₂ კაპეკში,
იმ დროს, როცა ფოთში ფასობდა 19—20 კაპე-
კს, ამაზედ აქ არას ვიტყვი, ეს გრძელი საინტე-

რესო ისტორია). ჰირში რამდენჯერმე სთხოვა „სოიუზს“ ფასის დაკლება; „სოიუზი“ უარობდა და ბოლოს დაუკლო მხოლოდ $1/2$ თუ ერთი კაპეიკი. ჰირშისთვის ეს დაკლება არ იყო დიდათ სანუგეშო. ამაზედ მიწერ-მოწერა ბ. ზდანოვიჩს ართმევდა საკმაოდ დროს. როცა ზდანოვიჩი წაბრძანდა შარშან წოდებერს ბერლინში, პირადათ ნახა ჰირში, მაგრამ მან არ მიიღო „სოიუზის“ პირობა, რითაც დიდ ფულს ზარალობდა იგი. ამას მოყვა შედეგად ის, რომ ჰირშს არ გადასცეს ჭიათურის მრეწველთა (შემდეგ შავი-ქვის საზოგადოების) კონტრაქტი, რაც მეტად სურდა თითონ ჰირშს. ამრიგად **ზდანოვიჩმა მოაშორა საქმეს ეს დიდათ ცნობილი და მეტალურგიის საქმეში დახელოვნებული ფიქმა, ადგა და მკეწველთა სახელით კონტრაქტი შეუკრა მანგან-სინდიკატის გამოუცდაელ და შავი-ქვის საქმეთა უვიცს წევრთ.** ჰირში ირჩია 25,000 მანეთის დაკარგვა, რომელიც „სოიუზმა“ მიიღო ავანსად. როზენბერგმა-კი გამოიწვია ჰირში სამედიატორო ხამსჯავროში.

ამ დროს ქუთაისში ჩამობრძანდა ბ-ნი ზდანოვიჩი და შევუდექით საქმეს. ეს იყო ამა წლის იანვარ-თებერვალში. ამ დროს ვექილთ უნდა მოეწერათ ხელი შავი-ქვის საზოგადოების პირობაზედ, მაგრამ ამ საზოგადოებაში სურდა შემოსვლა „სოიუზს“, მას მისცეს კიდევ წინეთ, წლიურად ოთხი მილიონი ფუთის ვალდებულება და ამ რიგად ის

იღებდა აფანსათ კიდევ 20,000 მანეთს. ეს ფული უნდოდა „სოიუზს“. სოიუზის გაშლილი მადა ამით არ ისაზღვროდა. მას სურდა, რომ ახლა მანგან-სინდიკატს მიეღო 23 კაპეიკში ის $2\frac{1}{2}$ მილიონი ფუთი, ჰირშედ გაყიდული. ეს მეტად დიდი სურვილი იყო, მაგრამ არა შეუძლებელი. „სოიუზი“ მაგრად გრძნობდა თავს, რადგან დამხმარედ ყავდა მისთვის ერდგული და თავდადებული, თავის ძველი ნავექილარი და ნაამაგდარი ბ-ნი ზდანოვიჩი. შეიქმნა დებეშის ფრენა ბერლინსა და ქუთაისში. ჭააჩერეს აქ ერთი თვე ხალხი, არ დაურიგეს ფული და არ შეადგინეს იურიდიულად შავი-ქვის საზოგადოება მანამ, სანამ არ მიაღებინეს მანგან-სინდიკატს 23 კაპეიკში „სოიუზის“ $2\frac{1}{2}$ მილიონი ფუთი ქვა. მანგან-სინდიკატი ჯერ ცივს უარზედ იდგა, მაგრამ მათი 200,000 მანეთი ხელში ეკავა ბ-ნ ზდანოვიჩს და თავს გულადათ გრძნობდა. აქედან წერდა იგი დებეშით კომისიის და ვექილთა სახელით, რომ მრეწველები არ ადგენენ საზოგადოებას, არ სურთ თქვენთან საქმის დაკავება თუ „სოიუზი“ არ შემოვიდა ამ საერთო საქმეშიო. „სოიუზი“-კი ისე არ შემოდის თუ ეს $2\frac{1}{2}$ მილიონი ფუთი ქვა არ მიიღეთ 23 კაპეიკშიო. ამ რიგად ამ ვაჭბატონებმა შვენივრად ისარგებლეს მრეწველებით, თვით მანგან-სინდიკატი ჩააყენეს ისეთ საშინელ მდგომარეობაში, რომ volens-nolens აიძულეს „სოიუზის“ $2\frac{1}{2}$ მილიონი ფუთის მიღება 23

კაპეიკში. ამ რიგად ეს კონტრაგენტი შეიყვანეს 80—100,000 მანეთის აშკარა ზარალში და ამ ფულით ისარგებლა მარტო „სოიუზმა“.

აი, ამ ბ-ნი ზღანოვიჩის საქციელს, ამ მიწერ-მოწერას იყო, რომ ვეწინააღმდეგებოდით სასტიკად; ვმზერდით, თუ რა სამწუხარო შედეგი მოყვებოდა ამ ძალ-დატანებას; ვამჩნევდით, რომ იმ დიდ ზარალს მანგან-სინდიკატი, კანონიერად თუ უკანონოთ, (გემების დაფრაზტის დროს ან ქვის გაყიდვით და ნიმუშის აღებით), აიღებდა თვით შავი-ქვის საზოგადოებიდან, ე. ი. იმ 184 წვრილ მრეწველებიდან. ამიტომ იყო, რომ ერთ სხდომაზედ „სოიუზის“ ერთმა წევრმა დაგვიძახა: „სიმონ ქვარიანო, შენ გინდა, რომ „სოიუზი“ არ იყოს ამ საქმეშიო!“ პასუხად მოვახსენეთ: „ჩემთვის სულ ერთია, „სოიუზი“ იქნება თუ არა ამ საქმეში; ხოლო არ მსურს, რომ მანგან-სინდიკატმა ძალად მიიღოს ეგ თქვენი ცალკე პირობა და მით ეზარალოს მთელის შავი-ქვის საზოგადოებასა-თქო: არ მსურს, რომ ორასი მრეწველი ემსხვერპლოს ოთხ კაცსათქო. („სოიუზი“ შესდგება 4 კაციდგან.) აი ამის შემდეგ უფრო შევძულდით ბ. ზღანოვიჩს და „სოიუზს“. თებერვალში, ამა წელს და არა შარშან, მანგან-სინდიკატმა ყოველი ლონე მიიღო, რომ გაეყიდა როგორმე ეს ძალად მიღებული „სოიუზის“ ქვა და გაყიდა კიდევ, (რა ფასში ჩვენ არ ვიცით), ხოლო სამი დიდი გემი წაიღეს კიდევ და

ახლაც იტვირთება ფოთში ერთი დიდი გემი*). „სოიუსს“ გაუხსენეს კიდევ ცალკე კრედიტი; იგი თავის ბაქანზედ ყიდულობს საუკეთესო ქვას და მით სურს მონათლოს თავის წინანდელი მარგანეცი. იგი ხან შეაჩერებს მიღებას, ხან აფართოვებს, ეს მაზანდაზედაა დამოკიდებული. „სოიუსს“ კიტა აბაშიძე ვერ ასწავლის ქკუას და მოხერხებას. ამ წუთას დასცეს ჭიათურა-ჭიქაურაში შავი-ქვის მაზანდა და სწორეთ ახლა აქვს „სოიუსს“ გახურებული მიღება. მეტეფზემ იცის, სად ისროლოს ბადე და როდის ითევზაოს.

VI.

„ქვარიანს ეგონა გამგეობაში მაინც ჩავდგებო, ქვარიანს უნდა წამოსკუბდეს მისთვის შეუფერებელს ადგილზეო და სხ., ბრძანებს რიხით აბაშიძე. ამ წინადადების პირველი ნაწილი ურცხვი ცილისწამებაა, მეორე ნაწილი-კი უსამართლობა. აქ გულთმისნობას ჩემობს, „დიდი კრიტიკოსი“; სურს გაიგოს ქვარინის ფიქრები და აზრები. ვისწრაფით დავამშვიდოთ ცხარე ოპონენტი, რომ გამგეობაში შესვლა არ მქონებია გადაწყვეტილი. მართალია, მომმართეს მრავალმა მრეწველმა, ვეჭილემა და მთხოვეს გამგეობაში დირექტორობა, მთხოვეს წამომეყენებინა კანდიდატუ-

*) ეხლა ეს გემი წასულა კიდევ.

რა კრების დროს, მაგრამ უნდა ვეუბნებოდე და თან-
ხმობას ანაგას ვამღებდი. დასამტკიცებლად კიდევ
ვთხოვე აპრილში თუ მაისში ერთ შეგნებულს და
პატივცემულ წარმომადგენელს (ვექილს) ბ-ნ ფ. კი-
კნაძეს, რომ თუ ვინიცობაა მოხდეს ჭიათურაში
კრება, იქ ვერ დავესწრო, მოინდომეს ჩემი გამგე-
ობაში არჩევა და დამიდგეს ყუთი, ანაფერი გზით
ან დაადგევენათქო. იძულებული ვართ ვსთქვათ,
რომ საკმაოდ მქონდა ნაშრომი ამ საქმეში და
შეიძლება მხოლოდ იმ შემთხვევაში მეკისრა გამგე-
ობაში დირექტორობა, თუ მას მრეწველნი დაათვა-
ზდნენ და ერთხმად ამირჩევდნენ. მართალია გვიყვარდა
საქმე, ქვესურდა გვეშრომნა გულით ამ შავი-ქვის საზო-
გადოების საკეთილდღეოთ, თვით თანამდებობა კი და
ჯამაგირი სრულებითაც არ მვხიბლავდენ. თვით გან-
თავისულება საზოგადოების წევრობიდან ვითხოვე
კიდევ შარშან 23 ოქტომბერს, მადნების უქონლობის
გამო, მაგრამ ეს კითხვა კომისიამ დასტოვა ახდელად
(იხ. ოქმი XLIII) და ჩემი 5000 მან. ვექსილები
დღესაც გირაოდ დევს ბერლინში მანგან-სინდიკატის
კანტორაში. ჩემი დირექტორობის კანდიდატურა,
როგორც ვაგივე სარწმუნო წყაროდან, წამოაყენეს
თურმე ვექილითა კრებაზედ ამ ორი-სამი თვის წი-
ნად, ნუ გაგიკვირდებათ! თვით ბ-ნმა ზდანოვიჩმა
და მისმა ვეზაჩებმა დიახ, ბ-ნმა ზდანოვიჩმა და
მისმა ვეზაჩებმა! ეს იყო ვგონებ მაისში; მაგრამ
ამ ბატონებს. სულ სხვა მიზნები ამოქმედებდათ. მათ

სურდათ ორი კურდღელის დაჭირვით: ხალხიც დაემშვიდებინათ და ქვარიანის გულიც მოეგოთ, მაგრამ, როგორც ხედავთ, ქვარიანი არ მოხიბლა მათმა ამგვარმა ერთგულებამ. **ჩვენ ან გვსურს გულაღატოთ სინიდასს და სამანთლეს!** მომიტყევეთ, რომ ასე გულწრფელად მოგახსენებთ. ამ რიგად **ანას დნას ან მაგვასუგებაა გამგეობაშა დანექტონად გასვლა**, ამისათვის არ გაგვიჩენია ზოგიერთებივით კლაკიორები და აგენტები, არ გაგვიცხადებია გაზეთებში და ამათსავით არ გვიწერია ლანძღვა-გინებით სავსე სააგიტაციო წერილები.

რაც შეეხება იმ აზრს, თითქო ჩემთვის შეუფერებელია დირექტორობის ადგილი, სამწუხაროდ ამაზედ ჩვენ თითონ არაფერი გვეთქმის. ჩვენ თავზე რომ ვილაპარაკოთ, არაა ლამაზი. მეტად-კი დავავალებდა ბ-ნი აბაშიძე, რომ ებრძანებია ისიც, თუ რატომ არის ეს ადგილი ქვარიანისთვის შეუფერებელი. თუ ფიქრობს ქვარიანს რუსის დიპლომი არა აქვსო, მაშ ყოველივე რიგიანი ადგილი შეუფერებელი ყოფილა ბბ. ნიკოლაძისათვის, ილია ჭავჭავაძისათვის, ა. ფურცელაძისათვის და თვით მის სათაყვანებელ ზდანოვიჩისათვის, რადგან არც ერთს ამათგანს არა აქვს რუსის დიპლომი, თუ მართლა მართო დიპლომზედაა საქმე და თუ სხვა რამეა, ეგ არ ვიცი. მართალია, არა გვაქვს რუსის დიპლომი, მაგრამ იქნებ გვაქს ევროპის დიპლომი. კიდევ რომ არაფელი დიპლომი ქონდეს კაცს, მაშ იგი არ ვარ-

გა?! თუ აგრეა, თუ მარტო დიპლომით ისახლვრება კაცის ღირსება, მაშ დიდი მეცნიური ბოკლი, ლინეი, ფარადეი, ედისონი და მრავალი სხვა, ყველა უვარგისი ყოფილან, რადგან ამ დიდებულ პირთ არც ერთს დიპლომი არ ქონიათ და ზოგი მათგანი სკოლაშიაც-კი არ ყოფილა?! მაშ ყველა ამ მეცნიერებზედ მაღლა მდგარა ბ-ნი კიტა აბაშიძე, რადგან ამ თავადს რუსის გაშანშალებული დიპლომი აქვს ხელში, მაგრამ ყრია-კი რამე თავში?! *Deductio in absurdo* ბ-ნი აბაშიძის მსჯელობას ქვია.

რგანელი და კიტა აბაშიძე იგონებენ მესამე „სიეზდს“ და მოყავთ თავისებურად გარდაქმნილი ეპიზოდები. ბევრად ერჩიათ ამ პირთ კრინტიც არ დაეძრათ შარშანწინდელ „სიეზდზედ“, სადაც საბჭოს პარტიამ იჩინა თავი „პატიოსნური“ მოქმედებით. ამ გახსენებით ამ ორმა რაინდმა სწორეთ დათვის სამსახური გაუწიეს თავიანთ კერპს. სამწუხაროდ ამ წერილის ვიწრო ფარგალი არ გვაძლევს ნებას შევსჩერდეთ ამ საგანზედ და მკითხველს დავუხატოთ ნათლად მათი მაშინდელი ომი და საბრძოლი იარაღები. ამას-კი ვიტყვი, რომ საბჭოს პარტიამ თავიანთის არა საქები იარაღებით ბევრად გადააჯობა მათგანვე გმობილ კალისტრატისმს. დანოსი მოსყიდვა, მუშტი, ხმალი, ფული ქალები... ყველაფერი იყო მოძრაობაში მოყვანილი თავიანთ მიზნის მისაღწევად... ოჰ, ბევრად ურჩევნიათ მაგ ვაჟბატონებს, რომ არ აგვიშალონ წარსულ ქრილობათა

იარა და არ გვათქმევინონ ყველაფერი! არ გვსურს გამოვეკიდოთ ძველ დავთრებს, მაგრამ თუ არ მოგვასვენებენ, მაშინ...

VII.

ქიათურის ბანკის დაარსება და კრედიტზედ კითხვა ზღანოვიჩის ინიციატივაო, ქვარიანს ამის შესახებ კრინტიც არ დაუძრავსო და სხვა-და-სხვა, ბრძანებს რიხით ბ-ნი აბაშიძე. ამაზედ უფრო უკუდო შეცდომა, ჩვენს დღეში არ გვსმენია. საბუთების დავიწყება-კი შეიძლება, მაგრამ ვგრე?! აი ორი-ოდე სიტყვით ბანკის ისტორია: მრეწველთა პირველს კრებაზედ 1896 წ. ბ-ნ ზღანოვიჩს წარუდგენია მოხსენება იაფი სესხის ორგანიზაციის შესახებ, მაგრამ გარკვეული ამ მოხსენებაში არაფერია. ავტორი გაყოლია უტოპიურ აზრს სამონოპოლიო სინდიკატის დაარსების შესახებ და მხოლოდ იმ პირობაში ცნობს სესხს სასარგებლოდ, თუ დაარსდება ამგვარი სინდიკატიო, რაიცა ყოვლად შეუძლებელი იყო. შემდეგ მთავრობამაც უარი უთხრა, უკანონოდ სცნო და არ მისცა ამგვარი სინდიკატის დაარსების ნება. წვრილ მრეწველთათვის მანებლადაც ცნობდა ამგვარ კრედიტს ბ-ნი ზღანოვიჩი. ამავე აზრის იყვნენ ყველა ექსპორტიორები. ამრიგად იმ თავითვე გამოხატულა ბ-ნ ზღანოვიჩის მოღვაწეობის ფიზიანომია და მისი მიდრეკილება სხვი-

ლებისდმი (იხ. Труды первого и второго съѣздовъ м. промышленниковъ 1900 წ. გვ. 35—39 და 62—72). ამის წინააღმდეგ პასუხი მიუციათ და წვრილი მრეწველის ინტერესი დაუცავთ ენერგიულად ბბ. გ. ჩუბინიძეს და ინჟინერ კონშინს. აი რას ბრძანებს ამის შესახებ ბ-ნი ზდანოვიჩი: „**კრედიტი ორწინა იარაღია, ის სასარგებლოა მდიდრებისათვის და ხშირად დამღუპველია დასაბოლოათ.** შეუძლებელი მრეწველი, ვალით დატვირთული და სავადო გარდასახადებით გამწარებული, ხშირად უფასოდ კარგავს თავის საქონელსო“. გვარიანი სოფისტიკაა, არა, მკითხველო! აი ამაზედ ბ-ნი კონშინის პასუხი: „**კრედიტი (სესხი) ეჭირვება დასაბებს და სრულებითაც აწაა მათთვის საზიანო.** ეს შეიგნა ახლა მთავრებამაც და მადის მათ დასახმარებლად სხვა-და-სხვა სახის კრედიტით. დაადგინეს: მიენდოს საბჭოს თავისი მოსაზრებანი. წარმოუდგინოს მომავალს კრებას. (იქვე გვ. 38—39).

როგორც ჩანს, მეორე „სიეზდზე“ 1897 წ. საბჭოს და მის მეთაურს ბ-ნი ზდანოვიჩს არ წარმოუდგენიათ არავითარი წერილობითი მოხსენება და მოსაზრებანი; ეს არ სჩანს „სიეზდის“ „შრომაში“. ხოლო სიეზდის თავმჯდომარეს ბ-ნი ცვიტლინს მიუმართავს საკრედიტო დაწესებულებათა წარმომადგენლებისთვის წარმოეთქვათ თავიანთი აზრი. ამათში ყველაზედ უფრო სამნიშვნელთა ბ-ნი ნიკოლაიძის მოხსენება. მან მიაქცია კრების ყუ-

რადღება იმ გარემოებას, რომ ყველა ქიათურის მრეწველს შეუძლია მიიღოს სესხი ვარრანტის სახით ფოთის ქალაქის მმართველობის საშუალებით 6⁰/₀-დ და უფრო იაფადაცო, ე. ი. 4¹/₂⁰/₀-დო, რადგან ქალაქი გამართავს საქონლის საწყობებს ფოთში, ქიათურაში, შორაპანში და ზესტაფონშიო“. კრედიტის შესახებ იმ კრებაზედ ბ-ნ ზდანოვიჩის კტანტიც-კი ან დაუქმნავს. (იხ. Труды I и II съездовъ, გვ. 7—11). ახლა ვისმინოთ, თუ რა მოხდა მესამე სივზღზედ“. არამც თუ წარმოადგინა ბ-ნმა ზდანოვიჩმა რაიმე მოხსენება კრედიტის შესახებ, არამედ გასაჩქევე კითხვათა სიაშააც-კი ან შეატანა აგი. ამ რიგად მოუსპო ყველას საშუალება ქონოდათ კამათი კრედიტზედ, რომელიც ისე საჭირო იყო იმ დროს წვრილ მრეწველთათვის. რატომ არ შეიტანა ბ-ნ ზდანოვიჩმა ეს კითხვა სივზღის პროგრამაში? რატომ არ წარმოადგინა ამ კითხვაზედ თავისი მოხსენება? რატომ არაფერი სთქვა სიტყვიერად მაინც? ყოველივე ეს ადვილი ასახსნელია. პირველი, მთავრობამ სცნო უკანონოდ და არ დაამტკიცა მისი პროექტი საერთო სინდიკატის შესახებ, უმისოდ-კი ბ. ზდანოვიჩს კრედიტი და ბანკი არ სურდა. მეორე, იმ დროს ბანკებმა გაუხსნეს კრედიტი სხვილ მრეწველთ, ბ-ნ ზდანოვიჩის მოკეთებმა და მეგობრებმა იშოვეს ყველგან იაფი სესხი, მათ აღარ ეჭირვებოდათ ფული; წვრად მრეწველთ-კი ანც ბაქნები ქონდათ და ანც კრედატა, მაგრამ ამათთვის რა-

გაბრუნდნენ და თანაც „დადებულა მოღვაწე“! ამათვის ხომ იაფი სესხი მანებელიაო, ბრძანა კიდევ პიწველ სიეზღზედ ბ-ნმა ზღანოვიჩმა და დამარხა ერთიანად ეს კითხვა. მაგრამ მესამე „სიეზღის“ ოპოზიციის და წვრილ მრეწველთა ინტერესების დამცველად გახდით სხვათა-შორის ჩვენც და წამოვაყენეთ კითხვა კრედიტის შესახებ და როცა თავმჯდომარემ ბ-ნმა ჩენგერიმ არ მოგვცა ნება ამასზედ ბჭობისა, იმ მიზეზით პროგრამაში ეგ კითხვა არ სწერიაო, მაშინ ვსთხოვეთ ბ-ნ თავმჯდომარეს მიმართოს დეპუტით მინისტრს და ითხოვოს ნება-რთვა კრედიტზედ ბჭობისა. ამ წინადადებას მიემხრნენ დიდი უმრავლესობა და გაიგზავნა დეპუტე მინისტრთან. (იხ. „Труды III-го съезда, გვ. 12—13). მივიღეთ ნება-რთვა მინისტრისაგან და სიეზღის მე-11 სხდომაზედ შეიქმნა ბჭობა ამ კითხვაზედ, ე. ი. კრედიტზედ, მაგრამ არც ზღანოვიჩმა და არც ერთმა მისმა მომხრემ კრინტიც არ დასძრეს ჭიათურაში ბანკის დაარსების სასარგებლოდ. პირ იქით წინააღმდეგიც იყვნენ. მართალია ისიც, რომ ოპოზიცია არ იყო ამ კითხვაში მომხადებელი, რადგან არ იყო იგი პროგრამაში და არც ეგონათ, თუ ნება-რთვას მიიღებდნენ მინისტრიდგან, მასთან ელოდენ ბათუმის სახელმწიფო ბანკის განყოფილების მმართველს, რომელსაც უნდა წარმოედგინა ამ საგანზედ ვრცელი მოხსენება, მაგრამ არ მოვიდა. მასთან კითხვა კრედიტზე მეტად რთული რამ არის. რა სახის

ბანკი უნდა დაარსებულიყო ჭიათურაში? საურთი-
ერთო, საწარმოვო, საიბოტეკო თუ სხვა რაიმე ხასი-
ათის? ეს საგანი იყო მეტად რთული. ამას ეჭირ-
ვებოდა ადგილობრივ ვითარებათა შესწავლა, დინ-
ჯი მოსაზრება და საფუძვლიანი შემუშავება; და
სწორეთ ამიტომ იყო, რომ ავდექით და წარმოვს-
თქვით: **წადგან ეს კათხვან რთულა და მნიშვნელა-
ვანია, ამატომ უმჯობესა აქნება ჯანხეს კამასია
და მაენდოს იმასია**“. და როცა თ. ი. ნიჟარაძემ
ბრძანა, რომ კომისიის ნაცვლად ამ კითხვის შემუ-
შავება მიენდოს საბჭოსო, ბ-ნმა ზდანოვიჩმა მაშინ-
ვე გააქნია ხელ-ფეხი და განაცხადა ცივი უარბ.
მიზეზად მოიყვანა თავისებური სოფისტიკა, და მოი-
სურვა, რომ ისევ კომისია იყოს არჩეულიო. ამ რი-
გად იგი მიემხრო სულ სხვა მოსაზრებით ჩვენს აზრს,
მაგრამ წვრილ მრეწველთ უწუხდათ გული, სურდათ
მალე ბანკი, იათი სესხი, კომისია-კი აგრძალებდა
კითხვას. სწორეთ მათი საამო აზრი წარმოსთქვა იმ
დროს ქუთაისის საურთიერთო ბანკის თავმჯდომარემ
თ-დმა პ. თუმანიშვილმა. მან უმჯობესად სცნო,
რომ ჭიათურაშიაც იმგვარი ბანკი დაარსებულიყო,
როგორც ქუთ. საურთიერთო კრედიტია. ეს აზრი
მაღამოსავით მოხვდა წვრილ მრეწველთ და ხმის უმე-
ტესობით გაიყვანა იგი. ამ რიგად კითხვა ადვილად
წყდებოდა მათთვის. ამ **რაგად დააწსდა ჭიათურის
ბანკი, აი მისი ისტორია!** (იხ. Труды III-го съез-
да გვ. 117—123).

დიახ, ამის შემდეგ განა საბუთი აქვს აბაშიძეს სთქვას, რომ ბანკის დაარსება ზდანიოვიჩის ინიციატივაა და ქვარიანს კრინტიც არ დაუძრავს მესამე „სიეზდზედო“?! აი ამ მზა-მზარეულ ბანკს დაასკუბდა თავზედ სხვა-და-სხვა საშუალებით ბ. კ. აბაშიძე, გალაღებულა ახლა, დიდ ვინმეთ წარმოუდგენია თავი და სხვებს ჭიანჭველის ოდენათაც ვეღარ მზერს. დღეს ასეა, დღეს სხვასა კაკალი მუნჯობს, დღეს მაგისტრანს კაცების ბაშბა ჩხააღებს, მაგრამ ვინ იცის თუ რას ეტყვის მათ ხვალე. კიდევ დიდმა შოთამ ბრძანა:

„საწუთრო კაცსა ყოველსა ვითა ტაროსი უზღების, ზოგჯერ მზეა და ოდესმე ცა რისხვით მოუჭუნდების.“

VIII.

ღევრს უმანკო თვისებასთან ბ-ნ აბაშიძეს აქვს კიდევ ერთი საუნჯე. უშვერი ლანძღვა-გინების გარდა ეს „ქებული პუბლიცისტი“ სცდილობს მოკამათე დაამარცხოს კიდევ ერთი ხერხით: იგი მშრალად და ლიტონად დაგიწყებს ყვირილს: „შენ არაფერი ცოდნა გაქვს, შენ არაფერი იცი“ და სხვ. ამგვარი უნარი უნებლიედ მაგონებს დაბალი კლასის უნიჭო შეგირდის საქციელს, როცა მას ელევა საპასუხო მასალა და გაცხარებული ბოლოს უყვირის ამხანაგს: შენ არაფერი იცი, შენ არაფერი გესმისო და სხვა! აი კიტას პაექრობის და ენა-მზეობის ნი-

მუში: „ქვარიანს ევროპიდგან ვერაფერი გამოუტანია, (ნეტა როდის დაგვაჭერია ეგზამენი!), ქვარიანისთვის რაიმე ცოდნა და გამოცდილება მეტი ბარგია“ (?) და სხ. თუ ამგვარი რამის მშრალად თქმა დიდ სიბრძნეს წარმოადგენს, მაშინ ყველა უვიცი და ყველა რეგვენი ფილოსოფოსი ყოფილა! მკითხველო, დავაჯეროთ „დიდი პებლიცისტი“, რომ ამისთანა სიტყვების თქმა შეუძლია ყოველს უმეცარს. პირიქით შეგნებული და ღირსეული კაცი არას დროს არ იტყვის მაგისთანა სამარცხვინო რამეს. ამიტომ ჩვენ გვიკვირს ბ-ნ აბაშიძის პირიდგან ამგვარი სიტყვები. აქ უნებურად გვაგონდება აკაკის ლექსი:

„ერთი რამე შემინიშნავს,
მაგრამ ჩუმაღ გეტყვით ყურში:
ჩვენში თურმე ბევრი არის
კაჭკაჭი და თუთიყუში“.

მართალია ჩვენი საყვარელი სულმნათი. ჩვენში ბევრია კაჭკაჭი და თუთიყუში, მაგრამ, თურმე, კიდევ მეტია უგოცი, მქიბდავი და ცაღის-მწამებელი „პუბლიცისტები“, რომელთა ჯგუფში არ გვსურს, ვითომ გავუროთ კიტა აბაშიძე, მაგრამ...

ბ-ნი აბაშიძე ისე გაიტაცა თავის „ღვთიურმა აღმაფრენამ“, რომ ქვარიანის მუზას და პოეზიასაც კი გადაწვდა; ხან უწოდა მას „უბადრუკი მობაირონე პოეტი“, ხან მუზის აშიყი, ხან ბრძანა, ქვარიანს „აღორებს თავის მუზაო“ და სხ. ნეტა

რა დაუშავა ქვარიანის მუზამ აბაშიძეს, ან რა კავშირი აქვს ამ მუზას შავ-ქვასთან, ვერ გაგვიგია! ხოლო ეს-კია, რომ ლემეტრის და ბრიუნეტერის თაყვანის მცემელს, მათ „შნოიანად“ მბაძველს, მისტიკ-კრიტიკოსს ასე ადვილად არაფერი მოეწონება. თვით ავტორს არ შეფერის-რამე თქვას თავის ლექსებზედ, ამის განსჯა ეკუთვნის მკითხველს საზოგადოებას. ხოლო, თუ რამდენად ლამაზია ჩვენი მოკამათის ამგვარი საქციელი, ან რამდენად ეხამება ესა და ლანძღვა-თრევა სალიტერატურო ეთიკას, ეს თქვენვე საჯეთ, მკითხველო. სამწუხაროდ, ჩვენში კიდევ ბევრს გონია, თუ

„ვინცა ენა მჭარტალია,
მისი სიტყვა მართალია“.

აბაშიძე გაყვა კიდევ ბევრს წვრილმან რამეებს. არაფერი არ დავიწყებია და კიდევ მეტი შეუთხზავს და გადუხსნავფერებია თავისებურად ამ ენა-წყლიან „პუბლიცისტს“, გადაუმახინჯებია ჩვენი სიტყვები და სხვა-და-სხვა. ყველა წვრილმანებს რომ გამოუდგეთ აქ, ფრიად შორს წავგიყვანს. ისედაც ვწუხვართ, რომ მეტად დავღალეთ მკითხველი. ამ წვრილმანებში პირველობა კაი ხანია დავუთმეთ ბ-ნ აბაშიძეს და არც გვსურს შევეცვილოთ ოდესმე. ხოლო, რა ვქნა, უნდა ვსთქვათ, რომ ამ პუბლიცისტის საქციელი უნებლიეთ გვაგონებს საფრანგეთის დიდი პოეტის ვიქტორ ჰიუგოს სიტყვას: „Petit homme, petit esprit. petit coeur,

petite affaire“, (პატარა კაცი, პატარა ჭკუა, პატარა გული, პატარა საქმე). ბოდიშს ვიხდი კაცხის პუბლიცისტთან, თუ მაინცა-და-მაინც არ იამოს ეს პოეტის სიტყვები.

ჩვენ გავათავეთ... უპ, მაღლობა ღმერთს, იტყვის დაღალული მკითხველი. თუმცა ანდაზა გვამხელს: „გრძელი სიტყვა მოკლედ ითქმისო“, მაგრამ ეს იმგვარი საგანი იყო, რომ ამაზედ უფრო მოკლედ არ ითქმოდა, თუმც ბევრი ვეცადეთ. მაგრამ მომითმინეთ! ვითომ გავათავეთ-კი?! არა, დაგვრჩა კიდევ ორიოდ რამ საპასუხო, მაგრამ ყველაზედ უფრო სამნიშვნელო. ამიტომ, მორჩილად ვსთხოვთ მკითხველს, გვაჩუქოს კიდევ მცირეოდენი სმენა.

„სოიუზმა“ ნახა ბერლინში რამდენიმე კაპიტალისტიო, სოიუზის წევრებმა მოიწვიეს შარშან მაისში რამდენიმე კაციო, ზდანოვიჩი შეიქნა საქმის ნამდვილი სულის, ჩამდგმელიო, ზდანოვიჩი თაოსანი, გამოცდილი და ენერგული კაციაო. სიმონ ქვარიანი უცაბედათ გამოერია ამ საქმეშიო, ქვარიანი აეკვიატა ზდანოვიჩისო; პა, პა, პა, სად არიან ჯგუფები „ნაჩალო“, „შრომა“ და „შუქრუთიო“ და სხ., ბრძანებს რიხით და დაცინვით ბ-ნი აბაშიძე. ერთის სიტყვით, სოიუზსა და ზდანოვიჩს მიაკუთნა ყველაფერი, ქვარიანსა და კერძოთ დ. ბაქრაძეს არაფერი. განვიხილოთ, თუ რამდენად მართალია ეს აბაშიძის სიტყვები. დავიწყოთ ჯგუფიდგან. კვლავ იძულებული გავხდით ვსთქვათ ცოტა

რამ ჩვენზედ. კიდევ მესამე სიეზდის დროს განვაგებდი დ. ნ. ბაქრაძის შავი-ქვის საქმეებს. კრების გათავების ერთი-ორი თვის შემდეგ, ჩვენი ნებით დაეუბრუნეთ ბ-ნ ბაქრაძეს ვექილობა, მოვიხადეთ მასთან ბოდიში, რომ თქვენს საქმეებს ველარ ვაწარმოვებ და უჯამაგანოდ შეგუდქათ ჭაათურაში წგნალ მრეწველთათვის მუშაობას. ბ-ნი ბაქრაძე არ იყო კმაყოფილი, რომ მიატოვეს მისი საქმეები, ჩვენ შევიმუშავეთ ჯგუფის საამხანაგო წესდება და ნოემბერ-დეკემბერში დაეაარსეთ 12—13 წვრილ მრეწველთაგან სამი ჯგუფი სრული ამხანაგურის წესით. ამ ჯგუფების სახელია: „დასაწყისი“ („ნაჩალო“) „შრომა“ და „შუქრუთა“. სამივე ჯგუფმა მეთაურად გაგვიხადეს და ვექილობაც მოგვცეს. მათი ვექილობანი, (გარდა ერთისა, რომელიც დაეუბრუნე), ყველა მათი ნოტარიალური და დასტამული პირობანი დღესაც ხელში გვაქვს. დასამტკიცებლად ყველა ამ საბუთებს ვარდგენთ „ივერიის“ რედაქციაში *). ჩვენი მიზანი იყო შეგვეერთებინა პაწია ჯგუფებათ ყველა წვრილი მრეწველი, შეგვექმნა შემდეგ მათგან ერთი დიდი კავშირი, ამავე დროს მოგვებოვა მათთვის ბაქნები, იაფი სესხი და უცხოეთის ბაზარი და ამ რიგად გამოგვეგლიჯა ისინი ჩარჩ-ექსპორტიორთა მწვავე კლანჭებიდგან. მაგრამ ამ დიდი მიზნის განხორციელება ასე მალე

*) ეგ საბუთები რედაქციაში იყო წარმოდგენილი.

და ასე ადვილად არ შეიძლებოდა. ამიტომ განვი-
ძრახეთ შეგვეფარგლა ჯერ ეს მოქმედება, მოგვე-
პოვა ჯერ ამ სამი ჯგუფისთვის იაფი სესხი და გავ-
ვეყიდა მათი ქვა; და ასე მოვიქეციით. ფრიად ვსწუხ-
ვართ, რომ გარემოება გვაიძულებს ვსთქვათ ყვე-
ლაფერი. დიად, ზემო თქმულ მიზნების მისაღ-
წევად გავმართეთ დებეშა-წერილებით მიწერ-მოწერა
ვეროპა-რუსეთის ფირმებთან, პირადათ ვნახეთ ბა-
თუმ-ტფილისში ცნობილ ბანკების მეთაურები, რო-
მელთაც აღგვითქვეს სესხი. დავაინტერესეთ ამ საქ-
მეში რამდენიმე სეროიოზული საკომისიონერო კან-
ტორები და კერძი პირები; დავრბოდით ჩვენის
ხარჯით ქიათურა-ბათუმ-თფილისში და ბაქოშიაც-
კი **) და თუმც იმ დროს დაიწყო შავი-ქვის მსოფ-
ლიო კრიზისი, მიუხედავად ამისა, იმდენი ვეცადეთ,
რომ დაგვეადეთ ამ სამ ჯგუფს 12 მილიონი ფუ-
თა ქვა სამი წლის ვადით, ფუთა ფოთში კემში
ჩაბანტებით 23¹/₂ კაზეიკად. ქვა იყიდა რეგლისის
ერთმა დიდმა ფირმამ. მოლაპარაკება და საწინაო
პირობის განსაზღვრა მოხდა შარშან თებერვალში

**) ჯგუფებიდგან-კი სახარჯოთ ერთმა მომცა 20 მ.
და მეორემ 40 მ., მესამეს-კი კაპეიკიც არ მოუცია. ან რა
უნდა მოეცათ, როცა კრიზისი დაეწყოთ და გაჭირვებაში ჩა-
ვარდნენ! ამ რიგად ვსესხულობდი ფულს ჩემს სახელზედ და
ვხარჯავდი ჩემის რისკით. მე მათთვის არაფერი გადამიხდე-
ვინებია, სუყველა ვალები მე გადავიხადე ჩემის ჯიბიდან.

კომერციულ მოსაზრებით ბაქოში. დასამტკიცებლათ ყველა საბუთებს ვარდგენ ივერიის რედაქციაში ***) და მორჩილად, ვთხოვ, რომ იყოს საიდუმლოდ დაცული ფირმების ვინაობა. მაგრამ ჭირი მართალთაო რომ იტყვიან, ჩვენც ისე დაგვემართა. იმ დროს, როცა პირობა უნდა შეგვეკრა საბოლოოდ, ინგლისში მოხდა საშინელი ამბავი: გამწვავდა ბურთა ომი და მასთან შეიქნა რკინა-ფოლადის ქარხნების მუშათა აჯანყება. დაიკეტა 6 თუ 8 თვით ყველა ფოლადის ქარხნები, (ეს ყველამ ვიცით გაზეთებით). ვილას უნდოდა მარგანეცი! დაეცა საშინლად შავი-ქვის ფასები. ამ დროს „სოიუსი“ და მათ შორის მისი წევრი ბ. დ. ბაქრაძე იყვნენ ბერლინში და ყიდდნენ თავიანთ ქვას ცნობილ ფირმაზედ არონ ჰირშზედ, რომელიც გაიცნეს სტუდენტ ბარნაბა პაპავას და კომისიონერ პავლე როზენბერგის საშუალებით.

სწორედ ამ დროს ჩვენდა მოულოდნელად მოგვდის ბერლინიდან ბ. დავით ბაქრაძის დეპეშა და შემდეგ წერილი.

როგორც კიდევ შარშან ვსწვრდით „ივერიაში“ (იხ. № 186) და ახლა როგორც მოწმობენ ეს დეპეშა და წერილი, ეს დიდი საქმე დაუწყია კიდევ ბერლინში ბ-ნ ზდანოვიჩისა და სოიუსს-კი არა, არა-არამედ კერძოდ დავით ბაქრაძეს. ამ მოღვაწის მი-

***) ეგ საბუთებიც წარმოდგენილი იყო რედაქციაში.
რედ.

ზანი ყოფილა წვრილ მრეწველების შეერთება და მათთან საქმის დაკავება, ამ მრეწველთა შეყვანა ბერლინის სინდიკატთან და მით მათი ხსნა ექსპორტიორთა კლანჭებიდგან. ამ მიზნით შეეკვრა ბ-ნი ბაქრაძე და მხოლოდ ბაქრაძე საწინაო პირობით არონ ჰირშა და როზენბერგს და სხ.. მაგრამ ამ დიდი მიზნის განხორციელება ადვილი არ იყო. ამას ეჭირვებოდა შრომა და ბევრა შრომა. ამას უნდოდა სანდო კაცები. ამგვარ პირად-კი დასახა ბ-ნმა ბაქრაძემ ამ სტრიქონების დამწერი. მან მისწერა დეპეშა-წერილი და მიენდო ერთიანად სიმონ ქვარიანს, რომელმაც მიუტოვა წინეთ საქმეები, რომელზედაც თითონ ბაქრაძე იყო მონდურავი ამის გამო, მაგრამ, რომელიც ბაქრაძის ფიქრით გააკეთებდა ამ საქმეს, რადგან ქონდა მოპოვებული მრეწველთა შორის ნდობა და სიყვარული. იძულებული ვართ ვსთქვათ ყოველივე სიმართლე. სინდისი და კაცობრივი ეთიკა არ გვაძლევენ ნებას გავაცნოთ ქვეყანას კერძო პირის დეპეშა-წერილის სრული შინაარსი და საიდუმლოებანი.

ამ საბუთებს ვარდგენ „ივერიის“ რედაქციაში *).

*) ეს საბუთები იყო წარმოდგენილი რედაქციაში.
რედ.

IX.

როგორც-კი ჩამოვიდა ქუთაისში დ. ბაქრაძე, ვგონებ მარტის დამლევს, მაშინვე მოგვემართა ჩვენ, გვაცმნო საქმის ვითარება, წაგვიკითხა საწინაო პირობა და გაგვზავნა ქიათურაში ნიადაგის მოსამზადებლად. ჩვენც იმ დღიდან ერთგულად შევეუდეთ ამ დადი საქმას ორგანიზაციას და ჯერ ხანად ნაადგას-მოძსადებს. აი ამ საერთო ამხანაგობაში, (შავი-ქვის საზოგადოებაში), შევიყვანეთ ჩვენი ჯგუფები, რომლებზედაც კიბა ბრძანებს, რა იქნენო!

ბევრი სირბინი დაგვჭირდა ქიათურა-ქიქოურაში და მადნებშიაც-კი, დასჭირდა ბევრი ახსნა, ჩიჩინი, წვალემა და დავიღარაბა, სანამ ჩავუნერგავდით ორას მრეწველს გულსა და გონებაში ამ დიდი საქმის მნიშვნელობას და სიყვარულს. ეს იცის მთელმა ქიათურამ, ეს კარგად იცის ბნ. დავით ბაქრაძემ, სოიუზის წევრებმა და თვით ბნ. ზღანოვიჩმა; ეს არ იცის მხოლოდ, ან უკეთ სურს, რომ არ იცოდეს კიბა აბაშიძეს, რომლის გულშიაც, გავს, ამომშრალა მართლ-მოყვარობის ცხოველი წყარო, (თუ-კი იყო ოდესმე); სამწუხაროდ ამაში დაერწმუნდით ამ პირის ჩვენდამი საპოლიემიკო წერილის წაკითხვით. — „ქმნა მართლისა სამართლისა, ხესა შეიქმს ხმელსა ნედლოდ“-ო, ბრძანებს შოთა, მაგრამ ესმის-კი ყველას ეს დიდი მცნება?!

რა რიგად შემოვიდნენ ამ საქმეში „სოიუზი“
 და ბ-ნი ზდანოვიჩი; რა ითქვა ამის შესახებ ჩვენ
 და ბ-ნ დ. ბაქრაძის შორის, ეს ჯერ საიდუმლოა.
 ბ-ნი ბაქრაძე ამ ჟამად არ ბრძანდება აქ და უმი-
 სოდ-კი ვერ გავამხელთ მას. რა პოლიტიკა დაა-
 ტრიალეს თავიდგანვე ამ საქმეში სოიუზმა და ზდა-
 ნოვიჩმა, ეს დადასტურა და ამის თქმა შორს
 წაგვიყვანს; ყოველივე ეს ერთს დროს გამოიკვე-
 ვა და მკითხველის თვალწინ გარდიშლება **ძოქლა**
სურათა **ზოგაერთ** „**ძოდგაწეთა**“ **ძოქმედებისა**.
 ჯერ-კი გავჩუმდეთ დროებით. აირჩა საორგანიზა-
 ციო კომისია; დაიწყო საქმე და მოქმედება. რა ით-
 ქვა კრებებზედ, ეს ჩანს ოქმებში, ყველაფერს აქ
 ვერ მოვიყვანთ. ვინ რა აკეთა ქიათურაში, ვინ მო-
 იწვია და ვისი რწმენით და შეგნებით შემოვიდნენ
 ამ საქმეში 184 კაცი, ეს ეკითხოს მთელს ქიარუ-
 რას და ბ-ნ ბაქრაძეს. რა რიგად შეავიწროვეს კო-
 მისიაში ქვარიანი, რამდენი რამე დამალეს მისგან,
 ან რავარი უსიამოვნება მიაყენეს, ეს იცის კომი-
 სიის წევრწებმა და ზოგმა ვექილებმა. რამდენი და-
 უთმო მათ ქვარიანმა საქმის სიყვარულის გამო, ეს
 იციან კიდევ იმათვე. იძულებული ვართ ვსთქვათ,
 რომ სოიუზის და ზდანოვიჩის შემოსვლამ ამ საქ-
 მეში, ბევრი დააფრთხო და ბევრმა შეხედა ამ საქ-
 მეს ძლიერ ეჭვის თვალით. ბევრი ამის მიზეზით არ
 შემოვიდა ამ საქმეში, თუმცა ვუწმენდავდით მათ
 ნამუსს და მეტად ვსცდილობდით აღგვედგინა მათი

ეგრე დაცემული პრესტიჟი. ჯერ კიდევ ამ 3—4 დღის წინად ერთმა ცნობილმა მრეწველმა მითხრა ერთი პირის თანადასწრებით: „მე ჩემი ამხანაგებით და კიდევ ბევრი სხვა შემოვიდლოდით მაგ საქმეში, მაგრამ სოიუზის და ზღანოვიჩის იქ ყოფნამ დაგვაფრთხოო, რადგან მაგათ წინეთ ერთი დიდი ამხანაგობა დალუპესო“. აი მისი სიტყვები! იმედია ამ სიტყვებს არ გადაფიცავს ის პირი, თუ საქირო შეიქნა.

ერია თუ არა თავდაპიველად ბერლინშივე ამ საქმეში „სოიუზი“? რა როლი ითამაშეს ამ საქმეში სოიუზმა გარდა ბაქრაძისა და თვით ბ-ნ ზღანოვიჩმა? ოჰ, ამ საგანზედ ბევრი გვაქვს სათქმელი! ბევრის არა სასიამოვნო რამეების თქმა შეიძლება ამ ვაჟბატონებზედ, მაგრამ არ გვინდა წავბაძოთ მათ და ნაცვალნი გარდავუხადოთ. მასთან არა ვართ ჯერ დარწმუნებულნი: მოუხდება, თუ აწყენს ამ საერთო საქმეს, ე. ი. შავი-ქვის საზოგადოებას ახლავე ყველაფრის თქმა, ყველაფრის გამჟღავნება. თუმცა დამრეც გზაზედ დაგორებულა ეს საზოგადოება, მაგრამ ჯერ კიდევ სულ არა გვაქვს იმედი გადაწყვეტილი. რად გაგრძელდა 9—10 თვემდე ამ საქმის ორგანიზაცია და კონტრაქტის შეკვრა, რომელიც შეიძლებოდა გათავებულიყო 3—4 თვეში? რათ არ შეეკვრენ პირობით არონ ჰირშის დიდათ ცნობილ ფირმას და მის სინდიკატს? რად დაიკავეს საქმე ხამ გამოუცდელ პირებთან, რომელსაც ეწოდება მანგან-სინდიკატი? რად მიაღებეს ამ სინ-

დიკატს ძალის-ძალიად სოიუზის მიერ ჰირშედ გა-
 ყიდული 2¹/₂ მილიონი ფუთი ქვა 23 კაპეიკში?
 რად გადასცა ბ. ზდანოვიჩმა მანგან-სინდიკატს თით-
 ქმის ერთი მილიონი მანეთის მრეწველთა ვექსილე-
 ბი, როცა ამის უფლება არა ქონდა მას კომისიის
 ინსტრუქციის ძალით? რად გააჩერეს ერთ თვეს
 ქუთაისში და დაქანცეს მრეწველები? რად შეცვა-
 ლეს წესდების პროექტი და ვექილობა? რად გა-
 დააცემინეს მრეწველთ საზოგადოების სახელზედ
 ყველა მადნები და რად ყიდულობენ ახლებს ამავე
 საზოგადოების სახელზედ, —ვალ-კი ეწერებათ თვით
 მრეწველთ? რად ურიგებენ მათ ფულებს და ფლა-
 ვენ ვალებში? რად გააჩინეს საერთო საწყობი, გა-
 მოიწვიეს ქვის ზიდვა გარეშედ და მით მრეწველთა
 დაჯარიმება? რათ არ სურთ მოახდინონ საზოგადო-
 კრება, გააცნონ საქმე ხალხს და აირჩიონ გამგეო-
 ბა? რად ჩაიგდეს ხელში საქმეები და ყოველივეს
 გადაათარეს საიდუმლოების ზეწარი? რად გაუშვეს
 ქვის გაყიდვის შვენიერი მომენტები? რად აჩერე-
 ბენ მუშაობას, ან უკლებენ მაზანდას იმ დროს, რო-
 ცა „სოიუზს“ გემები ეტვირთება ფოთში და მიღე-
 ბა აქვს გაცხარებული? ნეტა რაა ყოველივე ამის მი-
 ზეზი? ოჰ, ეს კარგად იცის „სოიუზმა“, ეს კარგად
 იცის ბ. ზდანოვიჩმა და მისმა დამქაშებმა! ეს უნდა
 იცოდეს თვით კიტა აბაშიძემ!.. და ყოველივე ეს
 უნდა გამჟღავნდეს ერთ დროს... ამ ვაჟბატონებს
 სურთ შიშით, მუქარით, ხმლით, ხანჯლით, გაზეთ-

ში გინებით, ჯორების გავრცელებით და ცილის წამებით, დაახშონ, დაამუნჯონ, მოსპონ მართლის მოქმელნი, მაგრამ ვერა...

„A bas Panama, à bas la calotte! Un peu de lumière, citoyens! (ძირს პანამა! ცოტათუნ სინათლე, ძმებო!“ მაგონდება დიდი ორატორის ჟორესის სიტყვა, წარმოთქმული პარიზის პარლამენტში. დიად, პანამის არხის საქმე დიდებული იყო და განათლებულ პირთა ხელში. იმ საქმეში ერია ყოველად პატიოსანი და სათაყვანო მოახუცი ფერდინანდ ლესეპსი, მაგრამ იქვე იყვნენ სხვისი მილიონების მქამელნი შარლ ლესეპსი, რენახი და ეიფელი...

ჯვარი ეწეროს აქაურობას! პანამა ჩვენგან შორსაა, მაგრამ სიფრთხილეს მაინც თავი არ სტკივა. ყოველ საზოგადო საქმეს ეჭივრება კრიტიკა და კანტროლი, რა გინდ იდეალურ პირთა ხელში იყოს იგი; და თუ მეთაურები ეწინააღმდეგებიან კრიტიკას, სურთ ყოველივე მოიცონ საიდუმლოების ნაბადში კომერციის სახელით, ჩანს საქმე ლენქ-ყოთაა. აი სწორედ, მაშინ უნდა სიფხიზლე და გამბედაობა! ნუ გწყინთ, ბატონებო, ეს ჩვენი სამართლიანი სიტყვები! და თუ ვერ ოითმინეთ, ძლიერ იწყინეთ, გაცხარდით, გირჩევთ დაიმშვიდოთ გული ლადიძის ცივი ვეჟინით და ცივზედ უცივესი ყინულით.

„Amicus Plato, sed magisque amica veritas.“ (მეგობარია პლატონ ფილოსოფოსი, მაგრამ ჰეშმარტება უფრო მეგობარია). დიად, რაც

უნდა ახლო პირნი და მეგობრები იყენენ ის ვაჟ-ბატონები, ადამიანის ზნეობრივი მოვალეობაა ყოველივე შესწიროს სიმაართლეს და ქეშმარიტებას, ცუდი დაგმოს და გაკიცხოს სახალხოდ. ნუ-თუ ეგრე დიდი დანაშაულია კაცისთვის სიმაართლის და ქეშმარიტების სიყვარული და ხმის ამოღება იმ დროს, როცა ხედავ, რომ ძირი ეთხრება დიდ საქმეს და იღუპება თითქმის **ღრასა მტეწველი**?! ნუთუ აქ არაფერი ეთქმება ს. ქვარიანს რომელიც ერია ამ საქმეში, რომელსაც დაუღვრია ოფლი, უნახავს სიმწარე და რომელიც გამხდარა ამ ორასი კაცის შეერთების მიზეზად და მათ წინაშე ზნეობრივ პასუხის მგებლად?! ნუ-თუ უნდა გავჩუმდეთ, არ ამოვილოთ ხმა, არ ვაუწყოთ ქვეყანას არაფერი?!... აქ ხმის ამოღება და სიმაართლის თქმა-კი არაა ღალატი, არამედ **საქმის ნამდვილი დაღატია გაჩუქება, დაძუნჯება და ყველაფრის საიდუმლოებით მოცვა** ამ **ღრას წაჭა საქმე იღუპება**... ნუ სწყინს ბ-ნ ზღანოვიჩს, როცა ვამხელთ, რომ მისი ერდგული ვეზირები კარგ ბოლომდე არ მიიყვანენ მას. **ამ საკთოლ საქმეს ცუდი სუნია ადინდა!** აქ ფოფინობს და ბატონობს ერთი თუ ორი ჯგუფი, დანარჩენი-კი ლამის მსხვერპლად შეეწიროს. ამიტომ დროა მიექცეს ჯეროვანი ყურადღება ამ არა სასურველ მოვლენას... *)

*) კიტა აბაშიძის საპოლემიკო წერილს მეტად გაუხარებია „ცნობის ფურცელის“ რედაქცია; იგი ქცეულა ღალატად და № 1890—ში, როგორ რამ დიდი მსოფლიო მოვ-

X.

„საბრალოა მხოლოდ ჩვენი დაბეჩავებული და დაავადმყოფებული საზოგადოება: ამ საზოგადოებაში შეიძლება მხოლოდ ასე დაუსჯელად, ასე რიხიანად და გაბედვით გამოვიდეს ვინმე, თუ გინდ ბ-ნის სიმონ ქვარიანის პოეტურის „ნიჭით“ იყოს შემკული და ასე „უპრაგონოთ“ მოსცხოს ჩირქი საქმის რიგიან მუშაკებს(?), ხოლო თავისავე უშინაარსო(?) ლაპარაკით საქმეს ზარალი მისცეს“. ამ მხურვალე ფილიპიკით ათავებს კაცხის დემოსთენი თავის წერილს. „Ergo censeo Kvariani dillendum esse“! აი, ამგვარი აზრით ათავებს თავის პოლემიკას ეს ჭიათურის კატონი.

მკითხველმა უკვე სცნო, ვინც ბრძანდება კ. აბაშიძე. ჩვენ ნათლად ვსცანით ამ პირის ზნეობრი-

ლენა აღნიშნა „დიდი პუბლიცისტის“ წერილები და მოიყვანა ციტატები; მასთან წაუშეშვარა შემდეგი საგულისხმო პროლოგი: „თავ. კიტა აბაშიძემ სავსებით გამოამყდაფნა ბ. ქვარიანის წერილის უკუღმართობა (?) და უტყუარის ფაქტებით (?) დაამტკიცა (?) მისი ცილის წამებით მიღრეკილება (?)“. სამწუხაროა მხოლოდ, რომ სვიმონ ქვარიანის ბრალდებათა ც გამტყუნება საჭიროა და ასეთი გრძელი გამტყუნება (?) და სხ.“ ამ ჩვენი პასუხის შემდეგ ნეტა როგორ ამღერდება დარბაისელი რედაქცია; ან ექნება მას იმდენი მოქალაქებრივი გამბედაობა და მართლმოყვარეობა, რომ სცნოს თავი დამნაშავედ, მოიხადოს ბოდიში და ჩვენი პასუხიდან გააცნოს ცოტა რამ თავის მკითხველს?! არა ვგონებ ერთ კაცს კი-

ვი ფიზიონომია. მან თავის გრძელ წერილებში ვერც ერთი მართლად დასაბუთებული და ჩვენი გასამტყუნარი ფაქტი ვერ მოიყვანა და თუმც დაგვისახელა ორ-სამ ალავს კომისიის ოქმი და საზოგადოების წესდების მუხლები, მაგრამ მით **თათონვე გამტყუნდა**; ტყვია მსროლელს მოხვდა გულში. დანარჩენი ნაწილი მისი წერილებისა არის უშვერი ლანძღვა-გინება, ცილის წამება, სნეული მედიდურობა და ფაქტის დამახინჯება. აი პოლემიკას შვენიერი თაიგული! აქ მაკვირვებს კიდევ ერთი რამ: ნეტა რას ერჩოდა ეს უკურნელი პესიმისტი, რომ

დევ მოეტოვება შეცდომა, მაგრამ მთელს რედაქციას, ორგანოს მეთაურს, ხალხის აღმზრდელს-კი არასდროს! ჭეშმარიტად ფრიად სავალალოა ამ გვარი მოვლენა, როცა პარტიობა და მეგობრობა უბრმავებს გონების თვალს გაზეთის მეთაურთა-კი, ავიწყებინებს სიმართლეს და ჭეშმარიტებას, უკარგავს სიღინჯეს, სიდარბაისლეს და აბეჭდინებს ამ გვარ ყოვლად უმართლო ფრაზებს. ჭეშმარიტად სამარცხვინოა რომელიმე გაზეთის მხრივ ასეთი ამჩატება. მაგრამ მთელს რედაქციას, ვგონებ, ვერ დავდებთ სრულად ამ ბრალს. მკითხველი ხვდება, რომ აქ რედაქციის სახელით იფარება ერთი ვაჟბატონი, ნათესავი და ახლო მეგობარი ბ-ნი ზდანოვიჩისა. უბედურებაც ესაა, სადაც გაიხედავ ყველგან მეგობრები და ნათესავები ყავს ჩაყენებული ამ ზდანოვიჩს, ასე რომ სიტყვის თქმაც ვერ მოგიხერხებია კაცს! დიან, ეს მეგობარი გახლავს აქაც, რომ უკმევს კიტას და ზდანვიჩს. ბავშვმა კარგად იკის რათ ეალერსება და რათ კოცნის ბებიას წირპლიან თვალში.

ავტორი.

არ იკმარა მარტო ნიშანში ამოღებული ქვარიანი და გალანძლა მთელი ჩვენი მკითხველი, მომქმედი და შეგნებული საზოგადოება, რომელსაც უწოდა დაბეჩავებული და დაავადყოფებული“?! სწორედ არ გვეგონა, თუ ადამიანის კადნიერება ავიდოდა ამ სიმალღემდე! მაგრამ ნუ გიკვირს, მკითხველო! ბრძენთაგან თქმულა, რომ ყოველი კაცი თავის საზომით ზომავს სხვებსაცო.

ამ პასუხში-კი ვეცადეთ საქმის ახსნით და ნამდვილი საბუთებით დაგვერღვია თავიდგან ბოლომდე ჩვენი მოკამათის სოფისტიკის ქსოვილი და გაგვექრო ბავშვების მოსატყუარი საპნის ბუშტები. მივალწიეთ თუ არა მიზანს, ეს მკითხველის საქმეა *)

ჩვენი პირველი წერილი ერთიანად (იხ. „ივერია“ № 141) და აქაც ბევრი რამ უმთავრესად მიმართულია ბ-ნ გ. ზდანოვიჩის წინააღმდეგ. ის ბრძანდება დღეს შავი-ქვის საზოგადოების საქმის სათავეში; ის მართავს ამ 188 კაცის საქმეებს; მას უკავია ხელში ამ ხალხის ბედი. ჩვენ ვხედავთ, რომ საქმეები უკან და უკან მიდიან, ვხედავთ, რომ შავი-ქვის საზოგადოება“ არ დგას კანონიერს ნიადაგზედ;

*) ჩვენი პასუხის დასამტკიცებლად შეიძლებოდა მოგვეყვანა კიდევ ბევრად მეტი საბუთები, მაგრამ ბ-ნ ზდანოვიჩმა არ მიგვიშვა საზოგადოების საქმეებთან; რაც კანონიერად ვსთხოვეთ. დასამტკიცებლად ვარდგენ აქ, რედაქციაში ჩემს თხოვნას ზდანოვიჩის უარის ზედ წარწერით. *) ავტ.

*) ეს საბუთი ნახა რედაქციამ.

რედ.

ვხედავთ, რომ საზოგადოების საქმე დიდს განსაც-
 დელშია; ვატყობთ, რომ მას ეთხრება ძირი, წიწ-
 კინებს და თან-და-თან ინგრევა ეს თავში კარგად
 დაწყებული საზოგადო საქმე. ჩვენ გვსურს ვუშეფ-
 ლოთ; დროზედ ვიღებთ ხმას, მაგრამ ამ დროს
 დაგვსევნიან ყოველ მხრივ ჭილყვაევი და თავიანთი
 ჩხავილით სურთ დაგვამუნჯონ. დიად, ჩვენი ზნეო-
 ბრივი მოვალეობაა ხმის ამოდება. ჩვენ საქმე გვაქვს
 მხოლოდ ბ-ნ ზდანოვიჩთან და მის ვეზირებთან.
 ჩვენ ვდებთ მათ სამართლიან ბრალს ამ საქმეში. ეს
 საქმე არაა ერთი და ორი კაცი, ეს ეკუთვნის ნა-
 ხევარ ჭიათურას, თითქმის **ლანას კაცს**; ამ საქმით
 იმედობს ამოდენა ხალხი; ამით სურთ ჭამონ ლუკ-
 მა და არჩინონ ცოლშიელი. ეს საქმე არაა მარტო
 ვიწრო კომერციული; **ეს საზოგადო საქმეა**, ამი-
 ტომ ამაში უნდა ჩაერიოს ყოველი შეგნებული და
 პატიოსანი კაცი, ჩვენი ჭეშმარიტი ინტელიგენცია
 და პრესა. ამიტომ ბ-ნი ზდანოვიჩი ზნეობრივად
 მოვალეა პასუხი გაგვცეს ან მწერლობით, ან სინ-
 დისის (საამხანაგო) სამსჯავროთი. ჩვენ ვსთხოვთ,
 არა, **ჩვენ ვთხოვლობთ, რომ გვაპასუხოს ბ-ნ ზდა-
 ნოვიჩმა!** რისი ეშინია, თუ იგი მართლაც ჭეშმარი-
 ტი მოღვაწეა და დგას სიმართლის ნიადაგზედ?! რი-
 სი ეშინია, როცა მას დღეს ფულების წყალობით
 ყველა მეგობრობს, ყველას ერიდება, და ბევრს ეში-
 ნია მისი?! რათ იმალება, როცა შავი-ქვის საზო-
 გადოების წევრები ყველა მის ხელშია?! რად მუნ-

ჯობს, როცა ზოგიერთი რედაქციებიც-კი მას ქრუმობენ და თაყვანებენ?! ჩვენ-კი არ გვაქვს ნი თიერი გავლენა, არ გვყავს ძლიერი მეგობრები და კეტილია ჩვენთვის ზოგიერთი რედაქციის კარგი ბიცი-კი, არ გვაქვს 10—12 ათასი მანეთი ჯამაგირები, ჯილდოები და კიდევ სხვა რამეებიც... ჩვენი მთარველია მხოლოდ **ჭეშმარიტება**, ჩვენ გვამხნევენ **სამართლედ** და ჩვენი იარაღია მხოლოდ **სიტყვა** და **კლამა**, რომელიც ასე რიგად სურთ, რომ წაგვართვან ხელიდან. ამასთან ჩვენ კიდევ იმედი გვაქვს საზოგადოების და ხალხის შეერთებულ სინდისის და მართლ-მოყვარეობის, მაგათ ერთ რედაქციასაც-კი მიმართეს მუქარით და საყვედურით, რათ უბეჭდავთ ქვარიანს წერილსაო. ეს ვაუბატონები არც ამ „ლამაზს“ საშუალებას დაერიდნენ, მაგრამ მწამს, რომ ამით ფონს ვერ გავლენ! **გაზეთი მოვალეა მოგვცეს გზა! რედაქცია მოვალეა გვათქმევინოს სამართლედ!** გაზეთი უნდა იცავდეს საზოგადო ინტერესს და უნდა მთარველობდეს ბეჩავ ხალხს, მრეწველთ, რომელთაც არა აქვს ენა და მათ ნაცვლად იღებენ ხმას აგერ სხვა პირები და სურთ ზოგიერთს „მუშაკებს“ და „თავ-დადებულ მოღვაწეებს“, არ დააჩაგვრონონ ისინი. დიახ. გაზეთმა უნდა გვათქმევინოს ყველაფერი, რაც-კი შეეხება საზოგადო საქმეს. „შანიქვის საზოგადოების“ საქმეც საზოგადო საქმეა...*)

*) საშინელია კიდევ ის ფაქტი, რომ ბევრს უნდათ ამ საქმეზედ ხმის ამოდება, მაგრამ ვერ ბედავენ ბ-ნ ზდანოვიჩის

ნეტა რად გვისევს ბ-ნი ზდანიოვიჩი რგანელს, ბიტას და „ცნობის ფურცლის“ კოშკში მიმალულ მამურებსა და ქამელეონებს, რომელთაც არ ესმით ფაქმე, ამახინჯებენ ფაქტებს, ილანძღებიან ურცხვად და რომერთადმი ზიზღი მისულა სიბრალოლის საზღვრამდე! ნეტა რათ ათამაშებს ამ თავის მეგობრებს ასე სამარცხვინო როლს?! იქნებ მართლაც არ იმცირებს თავს ეს „დიდებული მოღვაწე“, ეს ქუთაისის ცეზარი; არ კადრულობს ქვარიანთან ბაასს და სამჯავროში გამოსვლას?! მაგრამ ომირის თქმით ელინთა ღმერთებიც კი ებრძოდნენ უბრალო მიწიერთო. ამიტომ ჩვენ ვთხოვლობთ, რომ კეთილინებოს და გვიპასუხოს თითონ ბ-ნმა ზდანიოვიჩმა; ეს არის მისი მოვალეობა; ამაში დამეთანხმება მთელი მკითხველი საზოგადოება.

ახლა ორიოდვე სიტყვა ბ-ნ კიტა აბაშიძეზედაც. გარდა ფაქტების ძირითურ დამახინჯებისა და უზომო ლანძღვა-თრევისა, რომლებზედაც, ზეით ვსთქვით, ამ პუბლიცისტმა დამდო კიდევ საშინელი ცილის წამება; მან მიწოდდა ცრუ, მედანოსე და საზოგადოების ფულის 700 მანეთის შეშქმელი. მასთან უწოდა ჩემს მოქმედებას კალისტრატური ლაქუცი და სხ. ამ უმართლო სიტყვებით მან შელახა ჩემი ადამიანობა, კაცური ღირსება, სახელი, პატიოსნება და

და მისი ვეზირების რიდით და შიშით, რადგან მათი დასახრჩობი თოკი ხელში უკავიათ ამ „თავდადებულ მოღვაწეებს“

ასოთ-ამწყობი.

საშინელი ჩირქი წაცხო ჩემს წმიდათა-წმიდას, ჩემს სინდისს. მე ვგონებ, როცა ამაებს წერდა, იმ დროს კ. აბაშიძე იყო სრულს ჭკუაზედ და შეგნებაში. მასთან აბაშიძე თავის თავს ეძახის განათლებულს კაცს, ლიტერატორს, მას რუსის დიპლომიც აქვს ხელში და, როგორც იურისტს, კაცის უფლების მცოდნეს, კარგად უმდა სმენოდა ამ სიტყვების მნიშვნელობა. თქმულა: კალმით ერთ დაწერილს ათასი შალაშინიც ვერ წაშლისო. დასტამბული სიტყვა ვრცელდება საზოგადოებაში, ხალხში, მთელს ერში და გადადის შთამომავლობაში, ამიტომ აბაშიძის მოქმედება მიმაჩნია **უუსაშანელს დახაშაულად**. როგორც იურისტი და ლიტერატორი, თითონვე უნდა დამეთახმოს ამაში და, თუ აგრეა, მაშ წინდა-წინ ცოდნებია რასაც სწერდა და სჩადიოდა. აქ მოყვანილი აბაშიძის ჩემდამი ბრალდება იმგვარია, რომელზედაც მწერლობითი პასუხი არ მიეცემა, (რასაც პასუხი მიეცემოდა კიდევ ვუპასუხეთ), მე-კი არ უნდა დავამტკიცო, რომ არა ვარ ცრუ, მედანოსე, საზოგადოების ფულის შემქმელი ან კალისტრატისტი, არამედ ბ. კ. აბაშიძემ უნდა დამიტკიცოს ყოველივე ეს, წინააღმდეგ შემთხვევაში მან უნდა მიიღოს **შესაფერი სასჯელი**. აბაშიძის პასუხის მოსათხოვნად არსებობს სამი საშუალება, მაგრამ მათში მსურს ჯერ **მივძაბოთ ვეკლავად უფრო კულტურულს**: ესაა **სინდისის ანუ საამხანაგო საძმჯავდა**. სრულიად დარწმუნებული ვარ, რომ

კიტა აბაშიძე, როგორც ინტელიგენტი, დათანხმდებო ამ საამხანაგო სამსჯავროში გამოსვლას. ამის შესახებ კიდევ მიუფგზავენ მისი საუკეთესო მეგობარი პატივცემული ახალ-გაზრდა იაზონ ბაქრაძე; (ჯერ პასუხი არ მიმიღია). ჩემს მსაჯულებს დავასახელებ ამ მოკლე ხანში და ვსთხოვ შეამზადოს მანაც თავის მხრივ. მსურს, რომ იქნეს მსაჯულებათ არჩეულნი ყოვლად პატიოსანი, განათლებული და შავი-ქვის საზოგადოების გარეშედ მდგარი პირნი. მსურს აგრეთვე, რომ იყვეს გამოცხადებული ყველა ქართულ გაზეთებში მსაჯულოთა დადგენილების ვრცელი ოქმი. აქ ბ. აბაშიძეს არაფრის შიში არ უნდა ქონდეს, მით უმეტეს, რომ მას ბევრი გავლენიანი მომხრე და მეგობრები ყავს, მე კი, როგორც მოგახსენეთ, ვარ ერთი ლიტონი კაცი; ჩემკენაა მხოლოდ ერთი სიმართლე. ამ სახით ვათავებ მწერლობით კამათს კიტა აბაშიძესთან საქმის განსჯამდე და დამთავრებამდე.

301.19

♯ 451

15